

**Tractatio medico-forensis de torturae subjectis aptis et ineptis, secundum morales et physicas causas ventilata, cum uberrimis jureconsultorum et medicorum suffragiis confirmata et illustrata ac in utriusque fori usum directa, cum praefatione de tortura medica / instructa instructa [sic] et edita a D. Michaele Alberti.**

### **Contributors**

Alberti, Michael, 1682-1757.

Kraus, Johann Heinrich. Dissertatio inauguralis medico-legalis, de torturae subjectis.

### **Publication/Creation**

Halae Magdeburgicae : Apud Joh. Christ. Hendelium, 1730.

### **Persistent URL**

<https://wellcomecollection.org/works/vkhch2ez>

### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

TRACTATIO  
DE  
TORTURÆ SUBJECTIS

58,037/B SUPP.

Suppl. Seq.

ALBERTI, M.

Maurizio Alberti

11801956

XVPT/118

£85

See cat 1729






Digitized by the Internet Archive  
in 2019 with funding from  
Wellcome Library

<https://archive.org/details/b30503759>





347964

TRACTATIO MEDICO-FORENSIS  
DE

# TORTURÆ

SUBJECTIS APTIS ET INEPTIS,

SECUNDUM

## MORALES ET PHYSICAS

CAUSAS VENTILATA,

CUM UBERRIMIS

## JURE CONSULTORUM ET MEDICORUM

SUFFRAGIIS CONFIRMATA ET ILLUSTRATA

AC IN UTRIUSQUE FORI USUM DIRECTA,

CUM PRÆFATIONE

## DE TORTURA MEDICA INSTRUCTA

INSTRUCTA ET EDITA

A

## D. MICHAELE ALBERTI,

POTENTISS. REG. PORUSS. AULICO ET CONSISTORII MAGDEB. CON-  
SILIARIO, ACADEM. FRIDERIC. PROFESS. MEDIC. ET PHI-  
LOS. NATUR. PUBLICO ORDINARIO, ETC,



---

HALÆ MAGDEBURGICÆ,  
APUD JOH. CHRIST. HENDELIUM, 1730.

THE LIBRARY

OF THE MEDICAL

MUSEUM OF THE UNIVERSITY

AT THE UNIVERSITY OF TORONTO

1890

ANNUAL REPORT

FOR THE YEAR

OF THE LIBRARY





## PROOEMIUM.



Otatu perquam digna  
est Ecclesiastici enunciatio, quan-  
do cap. 38. v. 15. dicit, qui in Creato-  
rem suum peccat, incidet in medici  
manus, quo cum effato commi-  
natio illa divina confirmatur,  
quæ continetur Devter. c. 28. v. 21.

22. & sicut Mors est thesaurus peccati, ita morbi, nil  
nisi fructus & dependentia lapsus & peccati sunt: in  
statu enim innocentiae neque mors, neque tormentum,  
neque dolor, neque ulla afflictio fuit, nam  
juxta Lib. Sap. II. 24. diaboli invidia mors ingressa est in  
mundum; & quando beate morientes omnimode a  
peccato liberabuntur, tunc neque dolor, neque mor-  
bus, neque mors amplius erit: ultimus enim hostis ab-  
rogatur mors: Cor. XV. v. 26. Haud quidem eum ob  
finem misericors DEus peccatorem in manus medici  
projicit, quo promeritas luat pœnas, ex medici offi-

cio fluentes , quoniam ipse morbus aut pœna , aut castigatio existit , sed potius cœlestis illa misericordia , divina sua providentia , peccatori in Medico externum quoddam asylum & solatium constituit , quam ob rem DEus honorandum Medicum esse jubet , quia ipse hunc creavit & quia ab Eodem Medicina est , hinc Jehova se Ipsum Medicum nominat , qui non modo naturaliter & corpore afflitos sanat , sed & spiritualiter vulneratos curat , adeoque omnipotenti sua medela allevat ; a quo summo Archiatro omnis vis & salubritas medica provenit , ita ut vel solum verbum Jehovæ perfectissimam & certissimam medicinam constituat : interea non negandum est , quod aliquando per peculiarem cœlestem providentiam non nulli homines in manus imperiti Medici incident , ut nulla calamitas sola existat : nam si judicia divina adeo accumulata & excitata fuere , ut justitia nunc in summo prævaleat rigore & ardore , tunc non modo naturalia auxilia expirarunt , sed pseudo - prophetæ , pseudo - apostoli , pseudo - animarum medici falsis suis solatiis malum & dolorem exacerbarunt : inde aliquando *Torturæ Medicæ oriuntur* , quando imperiti Medici non modo præsens malum haud mitigant , sed potius illud majoribus tormentis accumulant ; hinc *Coccejus in P. Zaccchiæ Qv. med. leg. Lib. 6. tit. 2. qv. 21. n. 17.* commentatur & dicit : *voce tormenti omnis dolor & cruciatus in genere intelligi , atque adeo ipsæ pœnæ & morbi quoque venire solent : siquidem per frequenter de morbis & doloribus dicitur , quod torqueant , aut crucient corpus diversaque ejus membra , qui propterea Tortura*

tura morbosā appellari merentur: interim aliquando accidit, ut miseri patientes singularem torturam ab imperitis medicis sustineant: de talibus Medicis inquit Galenus Lib. I. Epid. Sect. 3. text. 50. Medicus inscius altera fera, qui ita ægris remedia præscribit, ac illi, qui aleam jaciunt: quorum inutilia præcepta magnum ægrotis offerre solent detrimentum: quo pertinet Jouberti effatum in orat. de præsidiis futuri & excellentis Medici: imperitia medici immenso ægros affligit tormento & graviores causatur ipso morbo dolores: sicut Hippocrates elocutus est in Lib. de arte: Morbus horum negligentia, major efficitur: ob id Plinius conquestus est lib. 29. c. 1. nulla est Lex: quæ puniat capitalem inscitiam medicorum, nullum exemplum vindictæ: discunt periculis nostris & experimenta per mortes agunt; Medicoque tantum hominem occidisse summa impunitas est, quando in hac artium eveniat, ut unicuique Medicum se profitenti statim credatur: conf. de tali pernicioſa imperitorum Medicorum operatione Zac. Lusit. Med. Princ. Hist. Lib. I. hist. 64. in comment. p. m. 113. Prax. admir. Lib. 3. obs. 145. -- 154. Job. Freitagius in noctibus medicis c. 20. Quod vero imperitæ medicationes non modo diversas tormentorum species, sed ipsam mortem causari queant, haud peculiari confirmatione indiget, quoniam innumera exempla hujus veritatis testimonia perhibent: hoc interim loco, aliquot hujus Torturæ species brevi commemoratione cognitas reddere placet: omnia heroica remedia incongruis subjectis, affectibus, temporibus &c. adhibita, magna tormenta causantur: quantos interdum cruciatus vomitoria & fortia purgantia causentur, non

longa enarratione indiget : inde enim innescunt illæ confessiones , quod tali remedio tractati homines , tantas inde afflictiones , angustias , tantosve dolores sustinuerint , ac agonizantium ferme calamitatis esse solent : Sie hätten Todes-Noth und Angst dabej ausgestanden : Sie wolten lieber sterben , als noch einmahl solche Arzeneij gebrauchen : man könnte auf der Folter nicht mehr gequälet werden und ausstehen : quam ob rem multi homines tales perversas remediorum operationes Torturæ assimilare solent : quando porro illis , qui indolentibus spasmis laborant , remedia sanguinem valde commoventia , aut strictas fibras , majori stricturæ gradu afficientia propinan- tur , tunc aliquando tanti dolorum gradus excitantur , quales acerbiores sub Tortura vix esse possunt ; inde innotuere formulæ , man hätte dabej als ein Pferd , oder Wurm ausgestanden : Plurimæ itaque talium afflictionum consistunt in atrocissima & vehemen- tissima fibrarum stricatura spastica , qualis afflictio alioquin summos dolorum gradus efficere & confirmare solet : quando porro subiecta valde acria , arrodentia , & alia nimium stimulantia propinantur , tunc parti- bus membranoso - nerveis , valde sensibilibus tantam inferunt offensionem , ut eximii inde oriantur cruciatus , testimonio venenosorum oblatorium subje- torum , sub quorum operatione homines mortife- ram calamitatem experiuntur : simile quid non modo obtingere potest , quando virulenta propinantur me- dia , sed & quando inflammati , aut arrosis faucibus , œsophago , ventriculo , intestinis , aliisque partibus , acria ,

acria, resinosa, concentrata oleosa, valde salina, spirituosa & similia offeruntur, aut quando remedia minus rite præparata ordinantur, velut mercurialia, metallica alia, corrosiva qualitate prædita, similiaque: quando porro præsentibus internis inflammationibus, maxime in valde sensibilibus partibus, obtruduntur ejusdem qualitatis remedia, insuperque sanguinem magis impellentia & partes affectas acri & calida qualitate plus afficientia, unde affecta subiecta communiter acerbissimas querimonias effundunt, quod flameum velut ignem in locis affectis, adeoque extrema tormenta, sentiant: quales dolores similem aliquando effectum habent, quem in Tortura criminali quidam de sagis, tormentis subiectis, prædicant, quod videlicet, sub tortura obdormiscere soleant, quibus olim referente *Dierbero in addit. ad Beboldum sub voce Heren p. 389.* potio, ex cerevisia, pane raspato, officulo lucii piscis cruciformi, felle lucii pisces, & sem. nigellæ parata, ad avertendam hanc occultationem sensationis adhibita fuit: qui mos tamen recentioribus allegante *Brunnemanno Process. inquis. cap. 8. membr. 5. n. 69. in fin. displicet*, qui potius ordinaria media commendat: conf. *Wildvogel disp. de arbitrio Judicis circa torturam cap. 4. p. 18. 19. Stryck. de Jure Sensuum diff. 6. c. 4. n. 9.* interim ex ejusmodi significacione id notamus, quod nimii dolores lipothymiam, & syncopen, quid quod deliria & varias tormentorum afflictiones causari queant soleantque; qua occasione adhuc annotamus, quod denegatio potus in æstu febri tormenti speciem complectatur: *Stryckius de Ju-*

re Sens. *dissert. 6. cap. 4. n. 7.* dicit: *cæterum si cibo denegato torqueri quis dicitur, multo magis is obtinebit, denegato potu: qui febre unquam acuta, maxime cholérica laboravit, in qua sitis clamosa, a medicis ita vocata, occurrit, is huic sententiæ facile annuet, quod denegatio potus eximum sit tormentum: Sed quis omnia illa tormentorum specimina commemoret, quibus imperiti medici homines affligere possunt, ubi quilibet homo & morbus huic torturæ subiectus est: hoc loco reminiscor talium subiectorum, quæ judiciali & criminali Torturæ subeundæ aptæ sunt: quoniam itaque aliquando in hac disquisitione judicio & decisione Medici opus est, eapropter præsenti Tractatione mixto Themate de TORTURÆ SUBJECTIS APTIS ET INEPTIS agere in animum duxi: quod propositum ut ad vota succedat, est quod a Divina Clementia humillime precor.*

### §. I.

**M**ulti & frequentius obvii sunt casus, in quibus *Medici & Jcti* deliberationes & sententiarum conciliationes instituere solent, id quod inter multos testes *P. Zaccbias* in multis *Legalium suarum Questionum* locis, *Bartholinus* in *Act. Haffn. Vol. 4. obs. 8. Rejesius Camp. Elys. qu. juc. Qv. 2. Bonnius de off. Med. dupl.* mox in limine, *Fort. Fidelis Relat. Med. Wippermannus de Nexus Jurisprudentiæ & Medicinæ. Casp. Bravo in dogmat. Med. præst. Parte altera A. E. L. An. 1723. M. Septembr. p. 407.* comprobant; quam ob rem nominatus *Bravo* in *l. c. p. 104.* tuetur Medicinæ utilitatem & necessitatem

sitatem in variis casibus & quæstionem illam ventilat, an Medicinæ præstantiam minuant objectiones a Juris Professoribus factæ, siquidem in variis casibus & occasionibus Medici fundata & prudens decisio requiritur, dum in *jure civili, ecclesiastico, feudali, criminalique* variæ *Medicorum* decisiones necessariæ esse, multis exemplis comprobantur: Secundum hunc *nexus* & ex hoc *mixto* Collegio occurrit etiam deliberanda & decidenda quæstio, quænam subjecta ad *quæstionem vigorosam* subeundam habilia & quoad diversas *circumstantias* & *qualitates* idonea existant; etenim si *Tortura* eximum *corporis cruciatum ac dolorem infert*, ut præc. annotat Zanger de *qv. & tort. c. 4. n. 10.* & ex eodem *Carprovius in Jur. Crim. qv. 117. n. 58*, aut si *quæstio corpus lacerat & ipsa fere morte durior est*, juxta eundem *Carprovium qv. 119. n. 9.* ita ad eandem cum spe obtinendi finis, videlicet *eruendæ veritatis*, *corpus* requiritur *firmum & congruum*, ne *torturæ vehementia reum interimat aut mutilet*, neve propterea *judex, torturam admittens, homicidii aut mutilationis suspicionem incidat* juxta *Dambouderum Prax. Crim. cap. 381. n. 18.* Neque tantum *corporis* ratio habenda est, sed etiam *animi* qualitates conciliandæ sunt, siquidem nimia *sensibilitas*, profundus *angor, timor, terror, &c.* multa causari potest & solet, quo minus hujus *ardui processus & ultimi medii* eruendi *veri* finis aut *desideratus* scopus obtineatur: neque desunt exempla, quibus confirmari potest, quomodo subjecta *animo* ita *mollia & flexilia*, aut *sensibilia*, vel ob nudam *territionem in lipothymiam, aut melancholiam* incidunt; vicissim vero varia constant testimonia, quibus etiam probari potest, quomodo varia subjecta pro *averten-*

da hac quæstione, aut *animi* aut *corporis* morbum *simulaverint*; ut propterea *Medici* explorationes subjectorum & decisiones requisitæ fuerint. Non quidem *Medici* fori est, inquirere an Tortura *certam* eruendi veritatem medium existat, id quod *JC*r*i tam diu* affirmant, donec *certius* ad manus subministretur, cum *malitia hominum* delinquentium *vi* & *cruciatus* coerceri debeat; interim illa disquisitio ad *medicu*m** forum spectat, an *vires* & *qualitates corporis* & *sanitatis* naturales eo quadrent, quo *judex* hoc medio *finem* suum ita impetrare queat, quo minus subiecto patienti *lethal*e damnum superveniat: nam si juxta *Zangerum l.c.cap. i.n. i.* quæstio res *dira corporibusque hominum admodum noxia* & quandoque *lethalis* est, ita subiecti *circumspecta* ratio haberi debet, ne forte *innocens* in talem *perniciem* conjiciatur; quemadmodum & illi, qui aliquando ob *animi pravitatem* & *corporis ruditatem* ac robur, hæc tormenta sustinent, nec *quicquam* confitentur, nihilominus in sanitate sua *futura* aliqualem *alterationem* subeunt: interim juxta *artic. 59. C.C.* cum *circumspectio*nē tortura concedenda est, quo pertinent *Clasenii* verba in sua *Exegesi*, quando dicit: *tortura est medium inquirendi verum, non autem nocendi inquisito: quapropter tortura semper ita comparata esse debet, ut tortus salvus vel innocentia vel etiam suppicio servetur: & hoc extenditur ad alios valetudinarios & infirmos, qui vel omnino non sunt torquendi, vel ita leniter, ut nullum inde vitæ aut corporis sentiant periculum: Stephanus utitur voce, quod artificiose torquendus sit suspectus homo, quando in prædictum art. commentatur: ea arte torquendus est, ne quid damni occipiat, Manzii glossa est: in hoc artic. monet Imp. iterum judicent,*

*judicem, ut si reus vulnera, vel rupturam, vel alium defectum in corpore suo habeat, eum cum tali moderamine torqueat, ne quid damni accipiat, & ne vel vulnus, vel ruptura augeatur: idem est, si reus alias sit infirmus vel valitudinarius, tunc enim vel omnino non torquendus, vel ita moderate, ut sine periculo vitae seu corporis id fiat: qua in re medicorum & chirurgorum judicio stabit: ratio: quia afflictio non danda est afflictio, & quia tortura semper debet esse talis, ut tortus salvus vel innocentiae, vel suppicio conservetur; ex ejusmodi testimoniiis itaque facile liquet, quod in Tortura decernenda non raro Medici judicium requiratur, an videlicet quisquam torqueri possit, & quo usque tortura augeri & continuari queat; quam ob rem Löw. in theatro Medico - Juridico cap. 17. n. 2. p. 774. dicit: binc est, quod infligendis tormentis, si torquendus allegat aliquam infirmitatem, ex qua ineptum tormento se dicat, Medicorum ad hoc judicium exposcitur: sic enim reo deficiente in tormentis seu actuali tortura, Medicus ad determinandum vocatur, an ulterius sine periculo torqueri possit, nec ne, & utrum tortus ex immoderato tormento mortuus sit: conf. Fort. Fidelis Relat. Med. Lib. 2. Sect. 3. c. 1.*

## §. II.

Dum itaque de Torturæ Subiectis differere constitui-  
mus, institutum nostrum est, quo partim positive, partim in  
opposita qualitate, quænam personæ ad tormentorum crucia-  
tus sine vita damno sustinendos, bables sint, indicemus, in  
qua tractatione ex contrariis qualitatibus ad decidendam  
hanc quæstionem veræ conclusioni formandæ via erit patefa-  
cta: In hac disquisitione itaque partim ad ipsam Torturam,  
partim ad Subiecta, quæ huic rigorosæ quæstioni submitti

debent, attentio adplicanda est: respectu *Torturæ relatio* instituenda & decisio formanda erit, an hunc vel illum tormenti *gradum* quædam subiecta sine damno sustinere queant: ita enim jam *JCTi* deliberare solent, si quidam homines *pollicibus* *destituti* sunt, ubi in tali casu *forcipes* applicari debeant? *conf. Stryck. de Jur. Sens. diff. 7. c. 4. in fin. Wildvogel diff. de arbitr. judic. circa torturam, cap. 4. §. 6. p. 24:* aut si olim suspectus quidam gradum tormenti cum funibus passus, imo *perpeccus* est, posthac vero denuo tortura ipsi dictatur, denuo querunt *JCTi in quo loco* fidiculæ ipfis applicandæ sunt, ita aliquando *corpus* subiecti *Medici* inspicere & de eodem judicare debent. *conf. Car- prov. qv. 117. n. 25. Wildvogel l.c. §. 4. p. 21. 22:* ex hac ratione inclarescit, quomodo interdum quædam subiecta non nisi *certum Torturæ gradum* subire queant; de qua circumstantia propterea *Medici* judicia solida & perspicua formare debent: cuius considerationis in consequentibus aliquam mentionem & annotationem proferre lubet: præterea vero hæc disquisitio subiectorum *Animum & Cor- pus* concernit: quoad *Animum*, jam ipsi *JCTi* confitentur, subiecta illum ad tormenta *indurare* posse *Paulus in L. 18. §. 1. de Quæst. vid. Wildvogel l.c. cap. 7.* quam ob rem nonnullorum animus est *sensibilior*, *delicior*, *mollior* & ad *of- fensiones & persuasiones*, ut & dein ad *confessiones* *pronior* & *facilior*: quare in foro Juridico, quando *viro & fæmi- næ simul* in uno delicto quæstio dictata est, quidam fæminam prius torquendam esse, decernunt: interim citra hanc animadversionem, respectu considerationis ad *Me- dicam* indagationem spectantis, in masculis æque ac fæmi- nis talis aliquando *animi* qualitas occurrit, unde facile exi- miæ

mixæ alterationes & offendentes in ordinariæ vitæ tramite accidunt, id quod tanto certius & gravius sub Tortura evenire potest, ubi summi dolores extremam animi alterationem, summum angorem & dolorum molestissima & aversissima perceptio eximias perturbationes causari solent, unde facile in corpore valde intricatae, repentinæ & periculose alterationes experiuntur. In Subjectis porro ratio habenda est Ætatis, virium, personalis sensibilitatis, Sexus & præcipue qualitatum non-nullarum sequiori sexui familiarium, proinde structuræ corporis, nec non prægressorum aut præsentium morborum, status valetudinarii, specialis & distinctæ proclivitatis & dispositionis in certos & graves morbos, ut & loci, in quo tortura subeunda, temporis & tempestatis, quando illa suscipitur; proinde respectu partis, quæ & quali morbi specie atque gradu afflcta est: hinc P. Zaccbias Qu. Med. legal. lib. 6. tit. 2. qu. 4. n. 1. talem circumstantiarum annotationem & divisionem profert: *impedimenta torturæ considerari possunt, vel ex parte ætatis, vel ex parte morborum, vel ex parte constitutionis & habitudinis corporis; ex parte ætatis, vel quia est nimis tenera, vel nimis præcipitata; ex parte morborum, qui vel respiciunt totum, vel partes; ex parte constitutionis corporis vel totius, vel partium:* & Löwius l.c.n.1. eloquitur: *fit non raro ut vel ob ætatem, vel ob naturæ debilitatem, vel ob aliquem morbum, vel vitium, vel sexum, mulieres gravidas, puerperas, vel aliquam aliam causam, vel conditionem rei, huic aut illi tormento sint inepti, aut illud in hoc vel illo gradu non sustineant, alias enim ex eo tormento, in eo gradu inficto perire possent:* quoad singulos hosce respectus subjectorum cir-

*cum spectione* opus est, ne ulli subiecto, quod *leges & jura* excipiunt, vis inferatur: quo loco effatum *Dambouderi* conciliamus, quando in *Prax. Crim. cap. 37. n. 5.* profitetur: attamen isthac omnia cum tali prudentia & animi moderatione temperet & peragat judex, ne patientis corpori ullam gravem l<sup>e</sup>esionem aut mutilationem infligat & n. 2. 3. dicit: *Pii clementisque judicis est erga patientem semper commiseratione monere, & prudenter expendere canitatem, senectutem, confectam ætatem aut juventutem, virile robur, valedudinem tum imbecillem, tum validam: denique inspicere, quid ipsius perferre valeant vires, ut bac in re, verum prudentemque judicem agat, non tyrannum inferat.*

## §. III.

In *specialiori praesentis thematis explicatione primo loco rationem Animi habere placet, in quo morales quasdam qualitates perlustrare, indeque judicare volumus, an subiecta secundum hasce ad Torturam idonea, aut inidonea existant: Tabor quidem in tortura & indicis delictorum cap. V. s. 24. 31. seq.* moralibus causis, *politicas rationes adscribit & tantum animi morbos, quos physicis causis adscribit, commemorat, ob quos quidam a tormentis immunis declarari queat: hinc dicit: eximuntur quidam a quæstionibus & torturis vel ex causa physica, vel morali: ex causa physica, si vel animi, vel corporis constitutio benignitatem persuadeat: ob defectum animi doli & noticie incapacis excipiuntur, ob morbum animi furiosi &c.* Habenda vero etiam alia est ratio *Animi*, ut non æque confusio mentis, *delira* rationis qualitas, aut *actualis infirmitas* adesse debeant, sed etiam sub sollicitam considerationem venit, quando quidam homines adeo *objecti*, summi anxi & timidi sunt animi, unde

de mox *inhabiles* redduntur, res suas in *memoriam* revo-  
candi, quin potius confessim sui *obliviscantur*, obstupe-  
fiant, nesciique sint ob extremum *angorem* & *timorem*,  
quæ dicere debent, aut quæ dixerunt; hinc mox *falsa* pro  
*veris*, aut *vera* pro *falsis*, aut *confusa* proferunt; qua con-  
fessione *judex* niti haud potest: huc etiam certo modo ap-  
plicari potest, quod *Carprovius Qu. u8. n. 9.* allegat: quare  
*metuendum*, ne ex *infirmitate* *judicij* & *timore tormento-*  
*rum*, *qualis* in ejusmodi personis *infirmioris* *intellectus* *præsi-*  
*mitur*, extorqueatur *confessio* *delictorum*, quæ forsan perpe-  
trata nunquam fuerunt: id etiam valet de *valde* *anxiis* &  
*extreme* *timidis* *subjectis*, quæ ob *metum torturæ* obstupe-  
funt & ad confessionem *inepta* redduntur: placet *hac* *oc-*  
*caſtione* *Zacchiæ* *verba* inferere, *Lib. 2. tit. 1. qu. 6. n. 38 - 42.*  
*timorem esse expectationem imminentis malis* & *notum est* &  
*docuit Plato in Lib. de Fortitud. in fin.* qui *affectas animi est*  
& *vehemens* & *subitus*, ut *Galenus testatur 12. Method.* & *id-*  
*circo prudenter a Jure Consultis determinatum est*, quod  
*quodcumque metus causa sit, ratum non habeatur ut lib. 1. ff.* de  
*eo quod metus causa; ubi qualis debeat esse metus, ut justus*  
*dicatur & de hoc ipso quamplurima*, vid. *Jurisperitus apud*  
*Farinacium Crim. Part. 2. lit. M.* *Ratio autem ejus rei, non*  
*alia est, quam ea de qua supra, nimirum*; *quia timentes non*  
*habent intellectus plenitudinem, imo & voluntate & consensu*  
*carent: neque enim velle dicitur, qui metus causa vult, quia*  
*metus contrarius est voluntati & libertati* *Roland. conf. 95.*  
*n. 31. lib. 1. unde illico atque probatus sit metus aetum non fui-*  
*se, sponte celebratum, sequitur: quod effatum eo magis de*  
*illis valet personis, quæ ob angorem & metum nesciæ sunt,*  
*quæ cogitant, enunciant, affirmant, aut negant, aut aliud*  
quic-

quicquam suscipiunt, de quibus vulgo dicitur: daß Sie vor Furcht, Angst und Schrecken ihrer Einnen nicht mächtig sind. Ex hisce itaque patet, quod *Morum ratio etiam habenda & ineunda sit, in Torturæ medica diijudicatione:* Cum ejusmodi subjectis ad Torturam *properandum* haud est, neque tamen eadem *absolute libera & exempta sunt*, quo minus tormentis affligi queant: id vero necesse erit, quo eorundum animus *moralis informatione, persuasione & remonstratione præparetur*, ita eveniet, ut vel *sponte & libere veritatem confiteantur*, vel *aliquali mentis continentia tormenta*, ad minimum *minimos & primos eorum gradus cum desiderato successu subeant*: & talia *meticulosa subiecta alias aptiora existunt*, quo *ante torturæ executionem de veritate dicenda facilius se accommodent, flexilioris enim animi sunt & sub hac moralis afflictione multum verbis variant*, ut facile prudens judex *verbali admonitione & convictione illos ad confessionem disponere queat*: in tales personas *nuda territio aliquando cum successu exerceri potest*, quæ *comparate tortura animi appellari potest*, quamvis *juxta Carpzov. qu. 117. n. 49.* haud torturæ nomine notanda veniat: *Stephani tamen in C. C. art. 58. n. 3. de sententia Clari quoad gradus torturæ adjicit: nibilominus talis metus & suspicio torquendi æquiparatur torturæ: hinc infertur, quod paria sint, confiteri per tormenta, vel metu tormentorum: addimus notam Blumblacheri in art. 45. C.C. p. 126: Solche Furcht und Bedrohung der Marter, wird ipsi torturæ verglichen, und daraus die Folge gemacht, quod paria sint confiteri per tormenta, vel metu tormentorum. L. 2. ibi formidine tormentorum Cod. quorum appell. non recipiantur. Carpz. P. 3. qu. 117. n. 44. proinde vero etiam circum-*

*cumspetione* opus est, quoniam *callida & malitiosa* subiecta facile talem *metum simulare* possunt: ubi necesse est, ex *titulo & indiciis simulationis* per *moralia etiam media & subsidia fraudem detegere*, quo *Medici* pariter *haud exiguum operam conferre* possunt; quandoque videlicet indicare sciunt, an *ratione temperamenti, status sanitatis, hereditariæ dispositionis, consuetudinis, morborum prægressorum &c.* hic *angor & metus subiectis naturalis*, an *affectionatus* sit: *hujus indolis subiecta* in aliis arduis, *animum & corpus* concernentibus, afflictionibus & negotiis, æque ita *pusillanimia* esse, subinde *insomnia* anxia & *terribilia* frequentius experiri solent; ubi non æque statim *exacte*, aut *consummate Melancholicus* status adesse debet, siquidem rati mentis qualitate aliquando *sanguinei, sanguineo-phlegmatici, sanguineo - melancholici* temperamenti homines *prædicti esse* observantur; ut adhuc animi *morbus* desit, & tantum *hæc mollities & singularis sensibilitas* animi *præsto sit.*

## §. IV.

Quoad *Animi* qualitatem præterea notandum est, quod quædam subiecta tanta *mollitie, sensibilitate & flexibilitate* prædicta sint, qua in rebus *adversis* aut periculis, non modo eximiæ *mentali* consternationi submittuntur, sed subinde graves & subitaneas, ominosas *corporis* offensiones experiuntur, dum vel confessim in *animi deliquia* nunc *mitiora*, nunc *acerbiora* concidunt, nunc vehementes *cordis palpitationes, vertiginosas perturbationes, sensuum externorum obnubilationes, ominosas sanguinis ebullitiones, congestiones sanguinis ad cor*, indeque provenientes *suffocativas comminationes, conatus vomendi, cruciatus*

*tus tormentos & pro ratione temperamenti ac copia bilis largam profusionem bilis in intestina & ventriculum, hincque dependentes angustias praecordiales, vomitus biliosos, diarrhaes similes, colica pathemata, interdum semi-convulsiva, comminationes semiapoplecticas &c. experuntur, qualia pathemata in sensibilibus personis in aliis easibus & occasionibus animum valde aut subito afficientibus, praeципue vero inopinatum terrorem causantibus, satis saepe occurrere solent: Hujus constitutionis hominibus Tortura confessim applicanda haud est, sed prius prudens Medicus, quoad hanc circumstantiarum illarum indolem, quantum fieri potest, ex vita ante acta, & observationibus ac relationibus de eadem conquisitis, aut ex moribus durante incarceratione annotatis, ex aetatis, prosapiæ, educationis, sexus, temperamenti, praegressorum & concurrentium animi pathematum, & morum ratione & conditione, nec non ex morborum praegressorum, & adhibitorum remediorum qualitate, ex diætæ ratione, ex propensione personali in certos morbos, ex morbis hereditariis, aut etiam ex antehac usurpati suszeptis & incongruis aut pernicioſis medicamentosis artificiis rite percontari debet: in qua posteriori circumstantia singulares observationes prudenti disquisitioni se commendant, quando videlicet ejusmodi mala & perversa artificio, in subiectis nonnullis adhibita, non quidem plene adversam valetudinem causantur, tamen ad facilem certi morbi invasionem disponunt, velut ad suspecta molimina haemorrhagica, aut actualia profluvia cruenta, ad gravissimos motus spasmodicos & convulsivos ad pertinaces & imperuosas congestiones &c. quorum affectuum actualem & perfectam invasionem facile predictæ alterationes*

tiones *animi* causari possunt & solent: cui exemplo an-  
numerari possunt *Fæminæ*, quæ quidem non *valetudina-riæ*, ast haud *perfecte sanæ* existunt, sed ex *levi animi mo- tu pathetico facile* in illum perfectum *morbosum* statum  
conjiciuntur, in quem hactenus tantum *aliquo modo incli- naverant*, qualis sexui utplurimum *familiarior & acerbior*  
esse solet: id quod tanto *certius & fortius* contingit,  
quando in talibus personis ob *torturam* decretam *eximia animi afflictio* provocatur, quæ tanto *impetuositor & omi- nositor* esse solet: in quali statu iterum *Medici* judicio opus  
est, ut videlicet subiectum quoad *animi & corporis* quali-  
tates recte inquirat, *damna* ex *torturæ* administratione  
metuenda, perspicue & cum *ratione* indicet, & si quid  
ad *judicii & processus* sublevationem contribuit, significet,  
ad minimum *suo consilio & auxilio* subiectum *torturæ præ- paret*, ne *prædicta* detrimenta *actu* consequantur: Et  
quando quoad hanc potentiam *animi* in excitandis *morbos*  
*insultibus*, *specta* subiecta *simulare* audent, tunc ite-  
rum peritus & *judiciosus* medicus hanc simulationem *re- solve* potest & solet, unde denuo liquet, quod in *tali*  
*casu* *Medici* concursus & judicium requiratur: Huc et-  
iam referimus illam *connatam & per hereditatem propa- gatam* qualitatem *animi*, qua quidam homines *summam a- versionem* a *conspicu* sanguinis habent, ita ut in *syncopen*  
repente quidam delabantur, quando sanguinem inspici-  
unt: si itaque sub *forcipum & funiculorum* applicatione  
evidens *cruentatio* succedit, facile tunc *scopus torturæ e- vanescit*, quando sub tali gravi *animi deliquio* *Torturæ*  
processus interrumpitur: in quali causa iterum aut ejus-  
modi *tortamenti speciem*, quæ *cruentationem sensibilem*, vi-  
delicet

delicet non modo *visibilem*, sed in genere *sensibilem* & *contactu calido*, aut sub dolore dilaceratae partis perceptibilem, (ubi multum in tali casu admodum operosa *imaginatio* valet) infert, *mittere*, aut *aliam dictare* & *applicare* decet; quoniam in tali necessitate & casu *Medicus* sua arte *hæreditariam* dispositionem extingueare & emendare haud valet: Tales circumstantiae itaque comprobant, quomodo in *Torturæ legali* & congrua ordinatione & applicatione etiam quoad *Animi* disquisitionem *Medici* scrutatio & dijudicatio perquam *utilis* & *necessaria* existat: ex quibus annotationibus pariter constat, quod tolerantia *tormentorum* etiam *animi vigorem* & *præsentiam* requirat, quamvis contrariante adsertione *P. Zaccias Lib. 6. tit. 2. qv. 4. n. 4.* eloquatur, quod *tolerantia tormentorum vigorem & robur corporis, non animi respiciat*: unde præter corporis capacitatem, etiam *animi firmitas* ad *torturam* sustinendam necessaria est.

## §. V.

In *Subjectis Torturæ* ratio porro habenda est *Aetatis*, ubi communiter judicatur, quod homines *Impuberes* tormentis consuetis submitti haud queant: non quidem nostri fori est, *Pubertatis* terminos in sensu universalis decernere, sufficerit in sensu *Medico* periodum *Pubertatis* in finem *decimi tertii*, & totum *decimum quartum* *aetatis* annum posuisse; de reliquo fusiis de themate *Pubertatis* egit *Excell. Dr. Cancellarius de Ludewig in tr. de aetate Legitima Puberum & Majorum*: communiter itaque a tortura exempti judicantur homines *utriusque sexus*, qui *decimum quartum* annum, nec attigerunt, nec compleverunt; quare *Tabor de Tort. cap. 5. n. 25.* dicit: *quaesitum esse de*

de minore 14 annis, subeuntes, in hac materia non distingui  
 puellas a pueris, sub utriusque sexus terminum 14 aetatis an-  
 num in criminalibus ponit, utcunque in nuptiis distinctio il-  
 la, atque alias etiam observetur: hoc referimus verba  
 Blumblacheri in art. 45. C.C.n.9.p.127. es ist gewisser Rech-  
 ten, daß die Impuberes oder junge Kinder unter 14 Jahren  
 nicht torquiret werden können: *Textus expressus in L. de*  
*minore 10. in princ. ff. de Quæstion. ubi Jurisconsultus sic ait: de*  
*minore 14. annis quæstio habenda non est. & quamvis infan-*  
*tes ac in prima pueritiae periodo consistentes ordinaria tor-*  
*tura affici non queant, cum animi corporisve teneritudo fi-*  
*ne letbali offensa talia tormenta haud perferat, tamen pu-*  
*eris & pubertati proximis subjectis territionem concedunt,*  
*habenas & ferulas dictitant, quin instrumentorum torquenti-  
 um oblationem, quasi cum iisdem affligi debeant, decer-  
 nunt. vid. Carpzov. qu. 118. n. 14. Matthæi de Criminibus*  
*Lib. 48. ff. tit. 16. de quæst. n. 9. Theodoricus in judic. crimin.*  
*præct. c. 9. apb. X. lit. b. p. 1262. Tabor l.c. §. 27. qui posteri-*  
*or aliquo modo a Carpzvio dissentit, quem dissensum*  
*etiam tenet modo dictus Blumblacher l.c. qui instrumen-*  
*torum torquentium oblationem impuberibus non admit-*  
*tunt, quia hæc a Carnifice perficienda, & maculam inurit,*  
*carnificis manu inuri; habena vero & ferula cædi possunt*  
*ab aliis personis, velut per lictores, stratores, statores, ja-*  
*nidores. conf. Zanger de tort. c. 1. n. 35. seq. Cujacius de cu-*  
*stodia reorum ad Lib. 4. C. interim hic Cujacius existima-*  
*vit, quod pubertati proximi utpote doli capaces torqueri*  
*queant; contra quem Matthæi de Criminibus l.c. ita judi-*  
*catur: nescio, an id probari possit: leges enim adductæ loquun-*  
*tur expressim de minore annis quatuordecim: nec sequitur*  
*est doli capax, ergo torquendus: sed illud posius: est doli*

*capax, ergo habena vel ferula cædendus, non torquendus:*  
*conf. Zanger de quæst. c. i. n. 36.* Sed ne in alienam mes-  
 sem nostran immittamus falcem, illud saltim hoc loco  
 perpendimus, an plane nullus casus detur, ut pubertati  
*proximiōres in duodecimo, aut nondum confecto decimo*  
*tertio ætatis anno consuetis tormentis, & quidem forcipi-*  
*būs & funiculis affici queant? P. Zaccbias L. 6. tit. 2. qv. 4.*  
*n. 4.* quadanterus hanc quæstionem tangit, sed *baud suf-*  
*ficienter decidit: nam proponit quæstionem: an non im-*  
*puberes maturius ad animi vigorem pervenientes torqueri*  
*queant?* quo loco recte adserit, quod *sola animi præstan-*  
*tia non sufficiat ad subeunda tormenta, sed quod etiam*  
*firmitas & congrua corporis soliditas requiratur;* unde  
 decisionem ad Medicos defert, quando dicit: *itaque par-*  
*ticularē naturas, judex, requisita si libet, Medici sententia*  
*antea considerans, aptas vel ineptas ad hujus tormenti to-*  
*lerantiam judicabit: Si vero evenerit ille casus, ut in pu-*  
*bertati proximiori subjecto integra non modo ratio, sed*  
*& satis robusta & conveniens firmitas corporis præsens fu-*  
*erit (quemadmodum quidam homines non modo matu-*  
*re ad firmiorem usum rationis perveniunt, sed & sub me-*  
*diocri præstantia mentis, quæ tamen ad torturam suffici-*  
*ens, adeoque non imbecillitati annumeranda est, ad fir-*  
*mum quoddam corporis robur pertingunt,) tunc utique*  
*actualia tormenta, (licet non protractio ad scalam & ex-*  
*tensio membrorum, neque tertius & summus gradus,*  
*adeoque neque siemlicher massen, neque mit der Schärfe,*  
*tortura administranda sit,) videlicet applicatio forcipum*  
*ad digitos, nec non funiculorum usus, (quibus cum non*  
*modo initium torturæ faciendum, mit Schnüren oder*  
*Ban-*

Banden den Anfang zu machen, quando reus non tam ar-  
 ete, constringitur, sed vincitur ac paululum ligatur,) sed  
 etiam arctior iuncturarum manuum constrictio admitti  
 possunt, quia in tali subiecto ob distinctas animi ac corpo-  
 ris qualitates & sufficiens robur, vires has tormentorum  
 species tolerant, quemadmodum tales adhuc impube-  
 res homines facile illum canonem intelligere possunt,  
 quod qui in delictum consentit, etiam in panam con-  
 sentire censendus sit; quid quod pravitas animi impube-  
 rum superat aliquando malitiam & astutiam puberum & na-  
 tu majorum, ut ita Platonis effatum lib. 7. de legib. pueri quo-  
 niam prudentiae fontem nondum perfectum habent, non solum  
 acerrimi & petulantissimi, sed & insidiosissimi omnium besti-  
 arum sunt, non absolute impuberes eximit a tortura, nisi in  
 hac annotatione jus adaptari debeat his, quae secundum plu-  
 rimum eveniunt, non vero iis, quae raro contingunt, ut ha-  
 betur per l. ex his & per l. seq. ff. de leg. & Sens. & conf. & per  
 l. neque Leges ibid. quod vero a fortiori tormenti gradu  
 impuberes absolute excepti sint, non modo a Medicis, (inter  
 quos Fort. Fidelem Relat. Med. Lib. 2. Sect. 3. c. 2. allegamus)  
 sed & Jureconsultis comprobatur: quando vero quidam  
 homines legitimam & consuetam pubertatis periodum atti-  
 gerunt, corpore tamen & animo adhuc teneri & imbecilles  
 sunt, tunc nihilominus tormentis actualibus aut realibus  
 submitti non debent, quia ipsis gravis inde sanitatis laesio &  
 virae afflictio imminet, dum animus corpusve ineptitudinem  
 quandam gerunt, quo minus torturae majores & cum ma-  
 gno cruciatu affligentes gradus sustineant; quam observa-  
 tionem etiam modo citatus Fidelis l. c. profert: & dum se-  
 quior sexus praे masculino communem teneritudinem &  
 molli-

*mollitem animi corporisve possidet; propterea eidem etiam parcendum est, quamvis jam pubertatis terminum attigerit, aut quadantenus superaverit, si præcipue prædicta imbecillitas obest: quam vis contrariantem aliquatenus assertionem proferat Löw. l. c. p. 786. §. 3. n. 4. quando dicit: unde cum ætas non æqualiter in omnibus personis, neque in omnibus provinciis succrescat, ut in vigore corporis & animi ita proficiant: unde & Juris-Consulti illam ætatem pro tortura sustinenda ad annum decimum octavum in pueris & decimum quintum annum usque extenderunt in puellis: ita quoque observatur in nostro novo processu criminali in Regno Bohemiæ artic. 17. §. 1. nos Fæminis ob communem & distinctam teneritudinem potius plures annos in consueto vitæ tramite largimur, quo sufficienti robore ad perferenda tormenta instruuntur, ni in iisdem etiam natura aliquid extraordinarium & præmaturum efficiat: ubi quæstio nobis non decenda & applicanda venit, an fæminæ maturius pubescant, quam masculi, quæ sententia a nonnullis supponitur; quam allegat Zacchias Lib. 1. tit. 1. qu. 6. quod assertum tamen negamus; unde haud cum illis consentimus, qui fæminæ duodecim ad pubescentiam annos tribuunt, vid. Zacch. l. c. n. 28. quem terminum præcocem vocat, n. 29. 37. & de eodem dicit: quod ex fæminis vix duodecima pars in duodecimo ætatis anno menstruetur n. 34. alias puellæ unius, duorum, trium, quatuor &c. annorum Menstruatæ etiam puberes vocari queant: quare idem Zacch. n. 36. dicit: quod hic terminus duodecim annorum a Jctis fæminis ad pubescentiam adsignatus, præcocior sit, quam par est: unde liquet quod Jcti Medicorum observationibus niti & non semper receptis opinionibus, aut legibus, quæ porro talibus opinionibus nitun-*

nituntur, firmiter inhærere debeant: siquidem in *præsentis* animadversione neque *sufficienter* hactenus *probatum* fuit, quod in certis *Provinciis* quædam fæminæ *citius*, quam masculi *pubescant*; & si hæc traditio etiam vera esset, tunc ex observationibus & legibus *provincialibus*, non valet consequentia ad *universale*. Denique hac occasione illam quæstionem proponimus & ventilamus, an puella quæ *decimum quartum* ætatis annum non modo *attigit*, sed etiam superavit, *tortura* affici debeat, quando *nondum Menstruata* fuit, aut quando nunc *prima* aut *altera* vice *Mensium* fluxum experitur? hanc quæstionem *Negativa* decidimus, ob rationes, quia fæmellæ, quæ *hoc tempore nondum* hoc *uterinum* purgamen subiere, aut *perfecte* valetudinariæ, aut *semi* tales existunt; siquidem *retardatio* Menstrui fluxus ut plurimum *connexam adversam* valetudinem, vel minorem, vel majorem, semper tamen in *deteriorem* statum inclinantem complectitur: quando itaque in tali statu aut *territio* nuda & *verbalis*, aut *realis* adhibetur, tunc facile & repente *majus* corpori & *vite* imminet *damnum*, quod tam eximia *animi commotione* & *angore* excitatum, *subitaneos*, impetuofos & valde *perniciosos* eventus causatur: nam statutus *morbosus* jam aliquandiu gliscens, *simul & semel* commotus, *pessimos* & *interdum repente funestos* facit progressus: quando etiam *Menstrua*, *prima vice* imminentia & erumpentia, tam *gravi* & *animum* vehementer offendente & *perturbante* causa, quæ in *vehementi metu* & *angore* de subeunda *tortura* consistit, alterantur, tunc teste *experiencia*, qua causas *minoris momenti* & *efficaciæ conciliamus*, *simul & semel* totus *Mensium processus* gravissime *confunditur*, ut vel *præcoces* & *periculosæ sanitatis perversiones*

orientur, vel in tantum *morbosi* status gradum conjiciantur, ut *aegre*, aliquando *nunquam*, sollicita quamvis *medica* ope adhibita, restitui queant, quin *complicati*, *intricati*, *refractarii* & *corrupti* inde facile proveniant morbi: quibus subjectis propterea tormenta haud adjudicanda & applicanda sunt: idem etiam valet, quando fæmellæ tales *primam difficultem* & valde *dolorosam* Mensium eruptionem subierrunt, quibus imminente *altera*, aut *tertia* eruptione atque periodo, haud tortura adhibenda est, ne perinde *gravia* & *aegre* aut *vix* corrigibilia *sanitatis* detimenta, consequantur: tanto minus vero consultum est, talibus subjectis jam *appropinquante*, aut *præsente* & continuante periodo, quo *Menses* fluere debent, *tormenta* applicare; sed potius convenit, cum ejusmodi personis *aliquandiu* moram tenere, quo cum hoc *intricato* Mensium negotio natura quadantis in ordinem transeat, ut nunc *securius*, hoc acerbius erudiendi veritatem medium administrari & in usum trahi queat: in genere denique sciendum est, quod a *Mensum* processu, valde alterato, *repentini*, aut *eximii* morbos affectus ortum trahere soleant: ubi simul *Medici reliquum* personæ *animi corporisve* statum explorare debent, an videlicet illa valde *sensibilis*, *immorigera*, *corruptorum* & valde exorbitantium *morum* sit, an quoad *corporis* constitutionem valde *plethora*, temperamenti *calidi*, *cacochymica*, *perturbatis* aliarum *evacuationum* successibus afflita, motibus morbos, *spasticis*, *congestoriis* &c. obnoxia existat, sub quali statu tanto minus eadem ad torturam *optum* exhibet subjectum, ut propterea, si talium subjectorum *vitæ* & *sanitatis* ratio habenda est, major *circumspectio* requiratur, neque *tormentorum* applicatio subministretur aut acceleretur:

tur: Et hæc momenta, quoad *impuberis ætatis disquisitio-*  
nem se attentæ observationi submittunt.

### §. VI.

Respectu Ætatis nunc *Senum* ratio habenda est, qui *limitatam immunitatem & exceptionem a Tortura* tenent & possident, quoniam *Senectus* pro morbo habetur, *Senes* pro hominibus, *animo & corpore debilibus*, aliquando semi *delirantibus*, *memoriæ vitiis laborantibus & puerili sensu* præditis æstimat: conf. *Criminalistæ præc.* *Tabor l.c. f.* 29. *Zanger l.c. n. 38. seq.* *Mattbæus de Crimin. l.c. n. 10.* qui dicit: *quia Senes bis pueri sunt: Dambouder l. c. n. 5.* qui *Senes pene delirantes æstimat & quos multos allegat Carp-* zov. *qu. 118. n. 35. seq.* *Zacchias l.c. n. 5. seq.* (concil. ejusd. *Lib. 1. tit. 1. qv. 9. n. 25.* cum notis Ziegleri.) *Fort. Fidelis l.c.* siquidem etiam *Stryckius de Jure Sensuum diff. 9. c. 2. n. 6.* obliviosos senes esse judicat: attamen simul *n. 7.* addit: quod sæpe senes memoria pollentes reperiantur, & certius illorum recordentur, quæ in Juventute, sensibus percepérunt, quam quæ ante spatiū aliquot septimanarum: haud vero necesse est, multum sollicitum esse circa certum senii terminum; unde prædicti Ddres adserunt, quod judex non tam de ætate, quam de infirmitate senum inquirere debeat, ita *Blumbacher l.c. n. 12. p. 128.* dicit: Ein Richter hat nicht so fast auf die Zahl der Jahre, als auf die Schwachheit des Leibes und der Kräften zu sehen: *Carprovius impr. n. 38.* dicit: quod illi senes torqueri haud debeant, qui ætate sunt defecti & bonam partem virium, consilii & mentis, propter senectutem amiserunt: hinc *Ulpianus* senes ob virium imbecillitatem a tortura liberat, de quibus author ipse asserit, quales ii solum sunt, qui corporis imbecillitate laborant, ut sine vi-

ita periculo praesenti tormentis interrogari nequeant: conf.  
 Theodoricus in judic. Crimin. pract. Cap. IX. apb. X. lit. c. n.  
 4.p.1263, qui quoad differentiam Senum provocat ad Menoch.  
 eos.59. quare Zaccbias l.c.n.6.loquitur: melior est Jurisconsulto-  
 rum sententia, quia nullus certus terminus in ulla re, & præc.  
 in ætatum mutatione potest in particularibus assignari & sic  
 Judicis arbitrium in hoc intervenire debet: erit enim qui sexag-  
 esimo tertio ætatis anno, vegetior & robustior erit alio, qui  
 nondum quinquagesimum excesserit: & quamvis communi-  
 ter a sexagesimo ætatis anno, aut secundum alios (vid. Zaccb.  
 & Fort. Fidelis) a sexagesimo tertio & ita dicto magno cli-  
 maëterico anno senectus numeretur, tamen crebra occurrit  
 observatio, quod in hac ætatis periodo multi senes bono ani-  
 mi corporisve vigore, firmitate & robore instructi sint: quare  
 non promiscue & quoscunque senes a tormentis immunes  
 declarant Doctores: siquidem Carpovius inter alios elo-  
 quitur: n.39. neque tutum esset generaliter affirmare, a tor-  
 mentis excusari senes, cum hac ratione sæpe versuti senes,  
 præf. mulieres beneficæ impunitatem assequerentur: non itaq;  
 quæstio est de decrepita & efficta senectute, siquidem juxta  
 regulas & æstimationes medicos senes interdū adhuc vegeti  
 sunt & comparate sufficientem animi & corporis firmitatem  
 continent, qua sine offensa sanitatis tormenta sustinere que-  
 unt; quid quod corpus senum tanta sæpe pollet *rigida* den-  
 sitate, ut hac adminiculante aliquoties satis *duros* labores ex-  
 ercere queant, modo de reliquo sani sint: haud enim *absolu-*  
*tæ* necessitatis est, ut in *quolibet* senii stadio & statu subiecta  
*infirma* & adversa sanitatem oppressa sint: ita Riedlinus in Lin.  
 Med. An. i. Mens. Octobr. obs. 24. p. 348. Torturæ in vetula  
 septuagenaria non tam viribus, quam annis sene & sat odbuc

*robusta concessæ & cum successu administratæ mentionem facit: quamobrem Zaccbias l.c. judicat: nisi præcipitatæ ætatis sint, & viribus effætis non video, cur non possint, saltem levioribus tormentis cruciari! ex quibus liquet, quod sub certis circumstantiis etiam talia senilia subjecta torturam perferre possint, quæ jam septuagesimum ætatis annum attigerunt: hinc non modo juxta Farinacium qv. 41. n. 29. Carprov. qv. 118. n. 38. & 42. Brunnemann. Anleitung zu vorsichtiger Anstellung des inquisitions-Proesses, Anmerkungen über das X. Cap. §. 2. p. 352. Blumblacher l.c. (cujus verba sunt: Wann demnach ein 60 oder 70 jähriger Mann, oder Person noch bei ziemlicher Stärke wäre, gestalten es dann dergleichen Leute wohl giebt, so wäre eine solche Person noch wohl, jedoch gering und mit solcher Bescheidenheit zu torquiren, auf daß er demselben an Gesundheit und Leben feinen Schaden brächte.) Franc. Personalis de indiciis & tortura n. 15. (qui judicat: Senes vel saltem leviter torquentur, & per unum miserere in tortura retinentur) apta senilia subjecta terreri, sed & secundum Tabor l.c. leviter aliquando torqueri possunt, videlicet forcipum, immo funicularum applicatione, quia rigidius illorum corpus non ita sensibile est, ac juniorum: servata illa cautela, ne læsiones quædam sub tortura graviores inferantur, quæ in senilibus subjectis tardius & ægrius reparantur & quoad consolidationem variis damnis & pravis accidentalibus consecutionibus obnoxiae sunt; quando itaque quidam senes vires sufficientes possident ad committenda latrocinia, robbariam, furta violenta cum effractione, violenta stupra &c. tunc justam contra se suppetunt præsumptionem & æstimationem, quod in casu ne-*

cessitatis tormenta, tolerare queant: attamen in hac disquisitione iterum medica occurrit quæstio, an videlicet senex animo & corpore vigorosus, (& hisce qualitatibus ad admittendam torturam idoneus) tamen ominosa sanguinis plenitudine obrutus, spirituoso potu frequentius oppletus, repentinis & periculis sanguinis commotionibus obnoxius, in apoplecticos affectus ex variis causis & indiciis proclivis, tortura affici queat? pro hac quæstione decidenda iterum Negativam tuemur sententiam, quoniam ob animi vel angustiam, vel indignationem, vel aliam perturbationem, nec non ob dolorem indeque oborientem gravem & perversam sanguinis commotionem, prædictus valde periculosus affectus facile excitari potest, ni medica ope ejusmodi pravæ consecutioni præveniatur; ubi vero antea perita indagatio medica instituenda est, an etiam ejusmodi senilia subjecta talibus qualitatibus prædicta sint, ne hasce frivole & astute simulent, & ex titulo qualificati senii torturam & confessio nem delicti declinare cogitent: Denique in hac circumstantia addimus verba: *Frölichs de Frölichsburg in Comment. in C. C. Lib. 3. tit. 5. n. 5. p. 202.* Da aber ein 60 oder 70 jähriger Mann einer noch frischen Gedächtnis, völligen Verstandes und guter Leibes-Kräften wäre, könnte verglichen einer ohne Beschwerde mit der Tortur belegt werden: ubi addit illa jocosa: wie denn die alte noch Baum-zähe Hesen-Mütterlein der Tortur nicht befreyet seyn; Hoc loco etiam per medicam cognitionem testamur, quod senes, aliquo modo debiles, nuda territione, aut verbali comminatione affici queant, quorum animus hoc modo quadanten torquetur: id quod *Jul. Clarus quæst. 64. n. 22.* & modo nominatus *Frölichsburg* concedunt: Et hæc de relatione ætatis Senilis ad Torturam sufficiunt.

## §. VII.

Proxima nunc ventilanda occurrit quæstio, an *Rationis confusione & impotentia* prædicti, *Torturæ* submitti queant? hæc quæstio *duplicem* sensum comprehendit, an videlicet *Furiosi* & mente penitus *capitorqueri* queant & an *aliqualem* & per *intervalla* recurrentem, aut exacerbatum impetum & *defectum* rationis subeuntes, tormenta sustinere possint? prioris conditionis vulgo dicuntur *Furiosi*, *Maniaci*, *rabie* quadam afficti, adeoque sibi *baud* *conscii*, neque *memores*, neque *deliberato* animo & *malitia* quicquam committentes, hinc *omni intellectu* destituti, *mortuo* *comparandi* & *per omnia ac in omnibus absentis*, aut *quiescentis loco* *habendi* a *Carprovio l. c. n. 17.* judicantur, de quibus sine ulla *limitatione* & *discretione* Criminalistæ judicant, quod nequaquam dubium sit, quin furiosi a *tortura* excipiatur, vid. *Zanger l.c.n. 43.* *Theodor. l.c. lit. b. n. 3. p. 1262.* siquidem quæstiones sub *tortura* propositæ firma & *integra* sibi & rerum *ante actarum* *conscia* ratione decidi debent; quale quid *morali* æstimatione a furioso nunquam expectari potest; hinc J<sup>C</sup>t etiam decernunt, quod, si quis *integra* ratione præditus, *delictum* commiserit, *postea* vero in *rationis* *perversionem* incidat, *tortura* is affici *baud* queat, conf. *Theodor. l. c. Bocer. de qv. & tort. c. 4. n. 10.* & ex eodem *Carprov. l. c.* & quamvis *furious* de decreto torturæ & fine ejusdem, ut & *confessione* ex tortura obtainenda *nullum* *sensum* *regularem* & *distinctum* habeat, ut propterea *finis* torturæ *nullo modo* obtaineri queat, tamen quia communiter homines *delirantes* quoad *vitæ naturalis* & *corporis* *œconomiam* *intricata*, *complicata* & *refractoria* *qualitate* *vagitudinarii* sunt, eapropter etiam a tor-

men-

mentorum afflictione liberi existunt, quoniam in tali statu ob qualificatam animi & corporis afflictionem, facile & vehementer periculosa morboſa corporis alteratio per torturam, quæ in talibus ſubjectis ſine eximia violentia committi haud potest, excitari & accelerari potest, velut impetuosa commotio ſanguinis, quæ ominofis orgasmis, immoderatis congeſtionebus, funefiſis extravafationibus, magnis stagnationibus & ſtaſibus ſe exferere potest, quibus afflictionibus facile inflammationes extreme periculofæ & præcipue phrenitis, angina, nec non Apoplexia, convulſiones, ſuffocationes, hæmorrhagiae excedentes & mors ſubitanea ſupervenire poſſunt, ut ob corporis & valetudinis rationem tortura talibus ſubjectis adplicari haud queat: Quod porro Melancholicos attinet, tunc tales homines aut majori aut mitiori gradu hujus animi morbi afflicti ſunt: quando Melancholica mentis major & constantior perturbatio in quodam ſubjecto occurrit, tunc ob modo traditas cauſas tormenta iſpis adhiberi haud poſſunt: ſiquidem communiter Doctores ſumnum Melancholiæ gradum adverturnt, quando ſubjecta a tortura immunia declarari debent; quando vero Melancholia mitior eſt, ſuaque intervallo tenet, tunc iterum tortura locum non invenit, quoniam haec facile acerbiores insultus & periculofiores conſecutiones provocare poſtest: quemadmodum etiam leniores melancholici valetudinariis hominibus adſcribendi ſunt, qui coſmuniciter quotidianas aut animi, aut corporis afflictiones experiuntur: quoniam itaque tortura aliqualem animi & corporis firmitatem requirit, utriusque vero ſubjecti firmitas in Melancholicis deficit, ob id cum ſecuritate talia ſubjecta tormentis affligi haud debent: & quando Brunnemannus in Proceſſu Inquisi-

ſio-

fitionis cap. 8. membr. 5. n. 27. statuit, quod liberatio &  
 quæstione vel absolute, vel ad tempus valeat, tunc in appli-  
 catione ad præsentem observationem, quidam torturam  
*Melancholicis illo tempore admittunt & adjudicant*, quan-  
 do affectus aliquo modo remisit; sicut *Wildvogel* in disp. al-  
 leg. c. 7. §. 8. p. 44. dicit: quod si igitur inquisitus pro vero  
*Melancholico habeatur, non dubitandum, quin a tortura sit*  
*immunis, ut Dni Scabini Jenenses, teste Theodorico respon-*  
*derunt: Negandum tamen non est judicem, si affectus remit-*  
*tat & inquisitus ad saniorem mentem redeat, ad torturam*  
*progredi posse in casu, ubi cum dilucido intervallo deliquit,*  
*vel Melancholia supervenit, Menoch. de arbitr. jud. quæst.*  
*lib. 2. cas. 325. n. 11. conf. Brunnem. Anleit. zum inquisit. Pro-*  
*cess Anmerckung in cap. X. art. 6. p. 351.* Nos talem ca-  
 sum ita decidimus, quod lenis melancholiæ remissio, tam  
 quoad *animum*, quam quoad *corpus nondum torturam*  
 concedat, siquidem vel *prævia torturæ annuntiatio Melan-*  
*cholicis subiectis profundas angustias, animo & corpori*  
*nocivas extorquet, repentina vero, subitaneas alteratio-*  
*nes, in genere vero aut comminatio, aut applicatio torturæ*  
*pristinos acerbiores gradus melancholici affectus facile re-*  
*vocare & exasperare potest, ut subitanea talis excitatio lon-*  
*ge periculosiores affectus causetur, quam priores extiterunt:*  
*quamobrem magna & sufficiens affectus Melancholici re-*  
*missio requiritur, si in talibus subiectis tortura locum inve-*  
*nire potest, siquidem status Melancholicus valde intrica-*  
*tus est, ut circa illius tractationem & dijunctionem exi-*  
*mia peritia & pruaentia necessaria existat; quare sœpe verum*  
*est nonnullorum J Ctorum judicium, quod semel furiosus,*  
*semper talis præsumatur & quod demens de præterito, præsu-*

*matur talis de præsenti, videlicet in proximiori proclivitate conf.* P. Zaccbias lib. 2. tit. 1. qu. 23. & quando porro Melancholicorum subiectorum remissiones aut intervalla vel dilucida, vel obscura sunt, qualem distinctionem P. Zaccb. lib. 2. tit. 1. qu. 21. n. 26. & ex hoc Tabor l.c. §. 24. proferunt, tamen in torturæ adjudicatione & administratione tali intervallo cum securitate nulla fides est habenda, quamobrem Zaccbias l. c. dicit: *ii, qui manifesta habent dilucida intervalla, in plerisque ut sani habendi, si modo nonnulla excipias, quod tam in præjudicialibus, quam favorabilibus locum habebit: in favorabilibus enim, e.g. patet quod tales testari possint l. furiosum §. si vero C. quitest fac. poss. in præjudicialibus autem qui non excusantur a pœna si delinquant,* Gaballus Resolut. Crimin. Cent. 2. cas. 297. n. 38. at *ii qui tantum remissiones, non intermissiones dementiae habent, ex mea sententia ut insani judicandi: de talibus subiectis Tabor l. c. judicat: in hac causa dicendum, eos qui semel vero furore correpti sunt, ne quidem eo tempore, quo dilucida furoris intervalla habent, tormentis subjici posse, cum sic facile fieri possit, ut vehementia doloris in pristinam calamitatem conjiciantur, adeoque certum judicium hinc ferri nequeat: In mitiori vero melancholico statu, mitior torturæ gradus, prout circumstantiae Subiecti permittunt, locum nihilominus invenit: ne vero personæ suspectæ melancholiam fingant & simulent, perinde judicio & perito Medico scrutamine opus est, siquidem Jcti hoc malitiosorum hominum refugium declinant: unde Carprov. l.c. qu. 118. n. 19. sentit: *Quare & Scabini priusquam adversus ejusmodi homines quicquam decernant, indagationem & judicium periti alicujus Medicis requirunt, ne scilicet malefici homines furorem & melan-**

*eboliam singentes, torturam ac pœnam effugiant. Frölich l. c. n. 2. ita judicat: Damit aber niemand mittelst errichteter Überwieg. höchsten Traurig. und Kleinmuthigkeit die Tortur entfliehe, soll ein Richter in zweifelhaftesten Fall einen berühmten Medicum berathschlagen und selben fragen, ob es wohl eine wahre Überwiegigkeit, item Kleinmuthigkeit sey? conf. Ludovicus in C. C. art. 59. cuius verba sunt: *intuitu melancholicon quoque medici sunt consulendi, an melancholia vera ad sit, an vero talis saltem simuletur, nec non in Peinl. Process c. 9. §. 47.* Wann man nur gewiß ist, daß sie unsinnig seyn, als wobei man verständiger Medicorum Gutachtē mit adhiberi muß. vid. Brunnemann. *Unleit. zum Inquisitions - Proceß Unmerckung in Cap. X. art. 6. p. 351. 352.* In tali casu dicit Wildvogel l. c. *incumbit etiam judici malitiis hominum obviare & iis non indulgere: quo vero in arbitrio suo judices civiles certius succedere & judicare queant, præstat Medicos in consilium vocare, qui de Melancholia vera & si- eta meliori cognitione magisque fundata ratione judicare possunt: etenim astu & malitia hominum suspectorum in multis casibus admodum magna est, qua civilium judicum arbitrium facile occæcari potest, ( siquidem ipse Rex & Prophetæ David simulato suo furore, Regem Achiam obnubilavit) quo minus cognoscerent verum, eam ob causam Medici requirendi sunt, an ex corporis & cohærentium rerum naturalium ratione & constitutione veram animi perversionem cognoscere queant; ad quam veritatem eruentur aliorum hominum, cum suspectis talibus personis commercium & quotidianam rationem & conversationem servantium, insuperque illarum actiones, provide observantium & comparantium, animadversiones & testimonia non**

parum contribuunt: quod vero homines *dolose* Melancholiā & amentiam *simulare* queant, *conf. testimonia in D.D.*  
*Præsidis Jurispr. Med. Tom. I. Part. I. cap. X. de Morb. simul.*  
*§. XI. lit. a. ut & Borellus Cent. 3. obs. 30.* Denique hoc ordine reminiscimur miserabilium talium personarum, quæ nec furore, nec melancholia affectæ, sed *stupidæ & fatuæ* sunt, quæve ad interrogata nibil *distinctum*, aut perspicuum regerere possunt & quæ propterea *animo*, imo ut plurimum *corpore* imbecilla & *infirma* existunt, a quibus *nullo modo finis ille obtineri* potest, qui cum *tortura* intenditur, & si talium subjectorum *economia vitalis* non *eminenti* effectu & periculo *læditur* ac afficitur, tamen hac offensa *animi stupor magis confirmatur & scopus torturæ hanc obtinetur*, ut propterea per *sensus naturalis suffragium* ejusmodi subjecta tormentis submitti *nequeant*: quid quod *experientiae Medicæ testimonium* est, quod si tales personæ ex *prægnanti* quadam causa & occasione *sensibiliter afficiantur*, tunc in *gravius animi ac corporis damnum delabuntur*; quemadmodum tales *stupidi* homines *ut plurimum accelerata morte* expirant, quam *tormenta, animum & corpus* per *dolorem afficiantia, facile provocare* possunt, id quod respectu personarum, *ætate, temperamento, educatione, diæta, vitæ genere, ratione morborum prægressorum, bæreditariæ dispositionis, perpetorum casuum violentarum &c.* & *causarum* inde fluentium qualitate *facilius evenire* potest: ut propterea in *talibus animadversionibus* *quælibet prudens disquisitio medica necessaria* existat.

## §. VIII.

Posteaquarr. hactenus *Sensuum internorum imbecillitatem* exploravimus & cum tormentorum tolerantia com-

pa-

paravimus, ita nunc *externorum* Sensuum defectus aliquo modo dijudicabimus; q̄o loco quæstio ventilanda erit, an *Cœci*, *Surdi* & *Muti* torturæ submitti queant? De cœcis non multa occurrit dubitatio, unde ut plurimum a tortura immunes judicantur, siquidem illorum confessio de *parato* crimine, aut *circumstantiis* illius admodum imperfæta & *dubia* creditur, hinc Criminalistæ tantum admittunt confessionem a cœcis extorquendam, quando factum quod-dam pœna dignum, illo tempore commiserunt, quo visu legitimo prædicti fuerant: vid. Zanger. l.c.n.48. & quamvis plures casus contingere queant, in quibus cœcorum testimonium & confessio etiam per *tortmenta* exquiri debet, tamen hæc circumstantia ad *medicum* forum haud spectat: Interim quidem *Cœci* annumerantur personis misericilibus, juxta Stryckium de *Jure Sensuum* diss. 2. cap. 1. n. 4. ubi annotatur, quod ob utramvis cœcitatem in jure aliquis morbosus dicatur, unde concludi posset, quod si homines morbosí magnam immunitatem a tormentis habent, ea propter etiam cœci ab iisdem liberi esse debeant: major calamitas quidem & naturæ potestate, aut artis ope vix curabilis est cœcitas a nativitate, ea propter vero tales homines neque *deliri*, neque penitus *stupidi*, neque exacte valetudinarii sunt, testimonio illius a nativitate cœci, quem Salvator sanavit, qui de præterita suo statu aliqualem *rationalem* & *distinctam* confessionem tradere & rationem reddere potuit: quare sola cœcitas non per se rationis impotentiam & corporis morbosam qualitatem infert: ita Jcti suas proferunt rationes, cur cœcos a tortura immunes haud declarent. vid. Carprov. l.c.n. 23. Stryck. l.c.cap.5.n.13.14. Heildvagel de arbitr. Judic. circ. tort. c.7.

*J. g. p. 44. 45.* propterea vero non penitus circa cœcorum dijudicationem Medicorum sententiæ negligendæ sunt; et enim dantur cœci cum notabili rationis imbecillitate prædicti, qui ob causas etiam *moraes* propterea ad torturam subeundam inepti sunt; dantur etiam cœci, qui varias corporis morbosas calamitates una sustinent, sive *capitis*, sive *pectoris*, sive alterius regionis passiones, ut propter talem complicatum statum ejusmodi subiecta, utpote valde afflita, miserabilia & valetudinaria, tormentis submitti haud queant: interest itaque, ut Medicus cognoscat, inquirat & referat, quæ fuerit origo, causa, duratio, qualitas, connexio &c. cœcitatis, ut exinde conclusio formari queat, an talis homo idoneum torturæ subiectum sit, ut etiam *Judex* pro suo arbitrio agnoscere queat, quantum de tortura talis subiecti expectare queat, ut *finis sufficiens* obtineatur, ne frustra grave tale medium & subsidium suscipiatur & exerceatur: Proinde notandum, quod *Cœcitas comparate* sèpius arduas & magni momenti causas morbosas complectatur, si ex accidenti eadem obtigit, quæ plures morbosas afflictiones inferunt, ut propterea cœcis hominibus communia multa adminicula deficiant, quæ ordinariæ sanitati emolumento & subsidio esse solent, velut *motus corporis, labor, delectatio animi* cum sensu *visus* acquirenda, siquidem hic sensus inter externos optimus censendus est: quare ob horum adminiculorum defectum ferme plurimi Cœci nunc plus, nunc minus interim semper aliquatenus valetudinarii sunt, quorum statum sanitatis labascentis, aut destruetæ Medicis omnino cognoscere debent atque dijudicare: quando itaque cum *Cœcitate* etiam *cerebri* labes & morbosæ constitutio conjuncta est, tunc tortura talibus subiectis adjudicata.

judicari *baud* potest, quoniam sub præsente Cœcitatis afflictione, vel *nuda* *territio* in *debilibus* personis *gravissimam* alterationem causari potest; siquidem affectus *capitis & cerebri* haud *magnam animi commotionem*, qualis cum *torturæ annunciatione* succedit, tolerant; Et si cœcæ personæ aliæ & *communiter debilium* sunt virium, ita eo minus *regulæ artis Medicæ* permittunt, quo tormenta facile illis adhibeantur; quoniam vero *nulla* regula est sine exceptione, ita siquidem Cœci possunt fieri & esse homines, qui quoad reliquam *sanitatis cœconomiam vegeti & robusti* esse possunt, quos vel *judex agnoscere*, vel *medicus explorare & dijudicare* debet, an & quomodo tormentis subeundis *habiles* esse queant: præcipue vero advertendum est, an cœcitas a *variolis* orta, quæ frequenter si in utroque oculo præsto fuerit, *mentis imbecillitatem* coniunctam habet; aut an a *contusione & violentia* capiti illata originem traxerit, an a *philtro & veneficio* orta sit, an ex affectu *phrenitico, melancholico* nata &c: in *qualibus casibus tortura locum haud* invenit, quoniam subjecta ut pote aut *plene*, aut *semi delira & valetudinaria* declaranda sunt, in *talem censum* venit *Cœcitas post surditatem*, quæ *qualificatæ conditionis* est, qualem *Bartholinus Cent. 4. Ep. 40.* describit, aut *Cœcitas post convulsiones*, qualem enarrat *Platerus obs. Lib. 1. p. 102. Hildanus Cent. 5. obs. 5. Hagendorf Cent. 1. hist. 17.* aut *Cœcitas post terrorem &c. conf. A. N. C. dec. 3. an. 5. 6. obs. 28,* aut *Cœcitas ex casu ab alto juxta Salmutb. Cent. 3. obs. 42. ex veneno secundum Tulpium Lib. 1. cap. 31. ex vulnere in occipitio ex Marc. Donato Hist. admir. lib. 2. ex colapbo orta vid. Amatus Luf. Cent. 7. curat. 44. Zac. Luf. Prax. admir. Lib. 1. obs. 52. ex nimia sternutatione Hildanus Cent.*

*Cent. 1. obs. 24. ex cerebri commotione id. Cent. 5. obs. 8.* quibus testimoniiis & diversis Cœcitatis causis probare volamus, quod *torturæ qualitas longe alia subiecta requirat*, quam quæ *tali affectu comprehensa sunt*, siquidem *eiusmodi Cœcitatis species & subiecta partim per morales, partim per physicas causas gravissime*, adeoque cum *magnō sanitatis detimento alterari possint*, si in iisdem tortura suscipitur.

## §. IX.

De *Surdis ac mutis* nunc occurrit quæstio, an *torturæ subjici* queant; quæ de iisdem judicant JCti *Tabor l.c. n. 29. Matthæi de Criminibus l.c. n. 11. Carprov. qv. n. 8. n. 21. seq. Stryck. de Jur. Sens. disp. 4. c. 5. n. 26. Wildvogel cit. disp. c. 7. n. 10. p. 45. Brunnemannus l.c. n. 33. Struv. de Jure miserabil. Part. 4. c. 3. §. 5. Frölichsburg l.c. n. 3. Blumbacher l.c. n. 13. p. 128. Bocer tr. de quæst. c. 14. n. 13. & ex P. Zaccchia ipsissimis verbis Löw. l.c. qui tamen hunc authorem non nominat: quorum aliqui ad confessionem *fide dignam* præstandam *minus sufficienti intellectu* prædicta talia subiecta declarant, adeoque illa ad torturam subeundam *inepta* dijudicant; ubi præcipue ad *talia subiecta animum* advertunt, quæ *a nativitate simul* surda & muta esse deprehenduntur, de quibus judicant, quod ut plurimum *velut mente capti* homines agnoscendi & tractandi sint: licet de reliquis, qui ex *alio accidenti* talem defecatum auditus & loquelæ naœti sunt, aliter sentiant, *variosque modos* commendant, quibus exquisitio & confessio a talibus personis obtineri queat; qui tamen ut plurimum valde *æquivoci & dubii* existunt, in quorum dijudicatione propterea *singulari* prudentia opus est: imprimis vero de *illa**

illa circumstantia quæstio movetur, an quidam homines  
*surdi & muti simul* sint, qui status semper *gravior* existit,  
 quamvis non semper aut *tantum surdi*, aut *solum muti imbecillitate* rationis laborare soleant; neque etiam semper  
*simul a nativitate* muti & surdi sunt homines. vid. exemplum de muto XII. annorum a nativitate, non antea surdo  
*Panarolus Pentecoste 4. obs. 17.* Interim non desunt etiam  
 casus, ubi vel *soli surdi*, vel *nude muti* mentis infirmitate  
 prædicti esse observantur; ut propterea in surdorum &  
 mutorum dijudicatione Medicorum consilio iterum opus  
 sit: deinde vero *præcipua* illa quæstio medica ventilanda  
 obtingit, an homines a *nativitate* & *surdi* & *muti*, pro semi  
 aut *quasi* deliris agnoscendi sint: quo loco reminiscimur  
 effati P. Zacchiæ lib. 1. tit. 2. qv. 8. n. 1. de mutis & surdis pe-  
 culiaris consideratio instituenda est: neque enim sub amen-  
 tium aut fatuorum numero videtur nos illos recte com-  
 prehendere posse, neque tamen sano judicio illos esse vere af-  
 firmari potest: in ambiguitate hac idem author tamen judi-  
 cat, quod *talia* subiecta aliquali judicii defectu laborent:  
 quam ob rem observatio medica testatur, quod frequen-  
 toribus exemplis confirmari possit, mutos & surdos a na-  
 tivitate satis notabili rationis imbecillitate laborare, quæ ob  
 applicationem torturæ tanto magis & facilius confundi, au-  
 geri & perturbari potest, quoniam hominibus accidentia,  
 corpus valde afflgentia, magnam afflictionem moralem cau-  
 sari solent, id quod tanto magis in *talibus* subiectis obtingit,  
 quæ infirma & impotenti ratione laborant, quibus talia,  
 de quibus recte judicare haud possunt, tanto certius & ve-  
 hementius multam calamitatem & mentis perversiōnem fa-  
 cessunt; testimonio illorum casuum, quando *imbecillioris*

mentis subiecta jocosa tantum animi vexatione afficiuntur, unde *perversæ* indignationes, angores, metus aliæque *confusæ* mentis operationes oriuntur; id quod tanto certius in subjectis *præsentis* animadversionis evenire potest: & licet non omnia subiecta a nativitate surda & muta, uno eodemque gradu infirmitatis mentis laborent, tamen *omnibus aliqualis*, etiam si lenior fuerit, *imbecillitas* rationis adhaeret, ob quam *verus torturæ* scopus expectari haud potest, ut eapropter magis *frustranea* tormentorum adjudicatio & applicatio prædicenda & expectanda sit: quod vero surdos & mutos concernit, qui ex *morboſa* quadam causa, aut *violentio* accidental modo in talem afflictionem inciderunt, tunc quidem subiecta quædam *borum qualitatum* nonnunquam occurrunt, quæ quoad *animum* valde *malitiosa* & *callida*, quoad *corpus* vero satis *robusta* & *sana* sunt, de quibus & *Judex* & *Medicus* cognoscere possunt, quod *apta* satis ad *sustinendam* torturam existant: proinde vero *Medicus* inquirere debet, ex qua *causa* & *surditas* & *aphonia* originem traxit, siquidem variæ causæ, hosce *defectus* inferentes, multum ad *rationis* & *sanitatis infirmitatem* contribuunt, adeoque subiectum *mente* & *corpore* *valetudinarium* reddunt, in quo *tortura* haud facile decernenda est; tales causæ imprimis sunt, quæ *Cerebrum* valde affecerunt, velut *phrenitides*, *contusiones*, *vulnera*, *depressions cranii*, *variolæ*, *convulsiones*, deinde etiam *philtræ*, *veneficia* &c. quæ communiter *debile* & *morbosum* *corpus* post se relinqvunt: & quamvis nonnulli ad varia *artificia* confugiant, quibus procurare volunt, ut *surdi* aliorum *interrogationes* intelligere & ad easdem *responde-re* queant, qualia passim allegantur velut a *Braunio in Pbi-*  
*loco-*

*Iocopho*, vid. *Camerarius* in *Sylloge Memorabil.* Cent. 2. partic. 71--78. A. E. L. An. 1701. M. Mayo p. 194. A. 1687. M. Octobr. p. 501. A. 1683. M. Mayo p. 197. A. 1712. M. Aug. p. 349. 351. *Tulpius* Lib. 1. c. 41. de muto loquente. *Paræus* Opp. *Chirurg.* lib. 22. c. 5. A. N. C. Cent. 1. p. 233. app. tamen illa in ejusmodi personis, quæ sub *inquisitione* stant, & quibus veritas per *rigorosam* quæstionem extorquenda, non facile cum *exoptato* successu adhiberi possunt, quoniam *malitiosa renitentia* in iisdem etiam expectanda est: ex singulis hisce annotationibus facile liquet, quod in *Surdorum & Mutorum exploratione*, an ad *torturam habiles* sint homines, judiciorum & peritorum *Medicorum* cognitio & decisio ut plurimum admodum necessaria existat: quo loco adhuc monemus, quomodo tali *extremorum* sensuum labore ac *defectu* afflicti homines, communiter in *moribus* valde *corrupti*, suspicaces, aliquando insidiosi, malevoli, malitiosi, astuti & in varia *simulationis* ac flagitii specimina proni existant, ut de iisdem etiam commune aliquando valeat dicterium, es wären diese die schlimmsten Leute, welche Gott mit dergleichen Leibes-Mängeln bezeichnet: Unde non sufficit, si surdus & mutus *scripto* respondere potest, quod propterea ad *tormenta* subeunda *habilis* existat; neque *mistica æstimatione* valet consequentia, quod talis homo etiam *torqueri* queat, cum propter *sanum intellectum* *testamentum condere possit*, quam argumentationem *Carpzovius* format l. c. n. 22. & *Blumblacher* l. c. nam inter utrumque *actum* ejusque *circumstantias* magnum versatur *discriumen*: neque quidem hic necesse ducimus *rationes* plenius allegare, cur surdi & muti aliquando *integra ratione* privati sint, quoniam ob eandem *mentis confusionem* a

tortura liberi sunt, sive causa *physica* hæreat in genere nervoso, sive in mala & præternaturali conformatione & dispositione partium: illud præcipue annotare & allegare, imo demonstrare convenit, an etiam surdi & muti ob mentis ad subeundam torturam sufficientem quidem capacitatem, attamen ob aliqualem notatu dignam corporis & sanitatis conjunctam adversam & valetudinariam dispositionem, habiles & idonei sint; ad quam quæstionem decidendam, etiam *speciales* casus occurrentes, quoad peculiares circumstantias dijudicandi sunt. Et quoniam malitiosi homines se etiam *mutos simulare* possunt. *vid.D.D.* *Præsidis Jurisprud. med. Vol. I. cap. X. §. 13. lit. a.* ita ad vitandam hanc fraudem & deceptionem cautela & prudenteria opus est.

## §. X.

Præterea dantur etiam homines, qui quidem comparate sani videntur, sed qui ob certam corporis constitutionem ab acerbiori aut majori torturæ gradu immunes existunt; ejusmodi subiecta sunt admodum *obesa* & *pinguï* corpore prædicta, quæ licet nonnunquam *athletice* sana videntur, tamen *repentinis* & multiplicibus *morbosis* incommodis obnoxia sunt: quibus *funiculi* haud applicari & quæ nec ad *equuleum* & *scalam* duci, nec membris *extendi* possunt & debent; sicut hujus considerationis quadantenus *Fort. Fidelis Lib. 2. Sect. 3. c. 3. p. 251.* & *Zacchias Lib. 6. tit. 2. qu. 4. n. 14.* reminiscuntur; interim *territio* & *forcipum* applicatio in iisdem locum invenit: quoniam vero *fidiculæ* juncturas valde *lædunt*, dolores magnos inferunt, *cruentationem* satis magnam causantur, ita in ejusmodi corporibus *prævos* effectus producere possunt, videlicet

delicit in affectis partibus periculosas humorum *stases*,  
 tumores admodum suspectos, *inflammationes* valde *intricatas*, repentinam *sphacelationem*, ut propterea & *medici*  
 & *judices* de iisdem justum semper *metum* habere debeant: id quod tanto magis valet in subjectis distincte *valde plenioricis*, de calido *temperamento* participantibus; in  
 diæta *spirituosa* viventibus, & frequentioribus *inordinatis* sanguinis commotionibus *orgasticis*, *congestoriis* &  
*eluctatoriis* expositis: neque talia subjecta violentam super scalam *extensionem* sine *vitæ* & *sanitatis* dispendio patiuntur, quoniam illa in tam succulentis personis, in quibus *fibrarum motricium* vis valde *impedita* & *debilitata*, nec non a *nimia pinguedine* accumbente & aggravante perquam *labefactata* est, facile perniciose partium *atonicas*, funestas humorum *stases*, subitaneas illorum *corruptiones* causatur, aut *lethiferas* sanguinis perruptiones & *extravasationes* infert, quales *fatales effectus* tanto *citius* ingruunt, quo magis tales *perniciose alterationes pectori*, aut *capiti vicinae* existunt, quemadmodum *communiter obesi* tales homines in *pectore* & *capite* alias molestias experiuntur, velut *asthmata*, aut *oppressam respirationem*, *angustias*, *dolores capitis*, *vertiginosas perturbationes* & *diversas alias capitum afflictiones*, nec non *colli incommoda*, quæ a *tormentis* *inflictis excitata*, aut *exacerbata* eo *perniciosiores effectus* habere solent: tanto *minus vero* cuiusunque gradus tortura convenit *obesis*, *animo* *valde sensibilis* & proximus in *apoplecticos* & *suffocativos* affectus pronis, in quibus ob vehementer *angentes* & *indolentes* qualitates facile hi affectus cum *funesto* eventu invadunt: quemadmodum *obesi* homines alias *communiter in tales &*

similis qualitatis alios *morbosos* affectus inclinant: neque hoc loco peculiarem *attentionem* meretur *distinctio relationis ad capacitatem* subeundi *fatales tales affectus*, inter obesitatem a *nativitate & adventitie* præsentem, quoniam *omnes* obesi variis *periculosis pathematibus* obnoxii sunt: cuius moniti *Zacchias* etiam l.c. mentionem facit. Deinde quoad homines *breviori & crassiori collo*, von *Dicken*, *Furz*, und *untersetzten Hals*, aut *thorace arctiori*, *compressiori & breviori* aut *depresso sterno* præditos, circumspectio tenenda est, ne *promiscue*, aut *facile* illis *tortura* adjudicetur & adhibetur: etenim tales homines in *suffocationem*, *anginam*, *Hæmoptysin*, *inflammationes pectoris*, nec non in *cattarrbum suffocativum*, *phtisisin*, *alios subitaneos & valde periculosos* colli & pectoris morbos inclinant; proinde etiam ob pressionem sanguinis *intra caput*, ob difficultem & variis *impedimentis* obnoxium *refluxum* sanguinis a *capite intra cor*, in graves *capitis* affectus propendent, velut in *Hemiplexiam*, *apoplexiam*, *vertiginem* variæ *intricatæ* qualitatis: præterea talia subjecta semper sunt *asthmatica*; quam ob rem tormenta magnum *angorem & dolorem* causantia, nec non *perturbatum* motum sanguinis post se trahentia, qualia præcipue *secundi & tertii gradus* sunt, ipsis *haud* sunt adplicanda: quid quod in *nonnullis* subjectis ex *individualibus rationibus & respectibus* judicio *Medici* opus est, quando *ipsis* aut *verbalis*, aut *realis territio* adhiberi & admitti debet, quoniam in iisdem magnæ *commotiones animi & conjunctæ* *perversæ alterationes corporis* æque facile *repentinos & funestos* affectus causari possunt, quorsum præcipue contribuit, si iisdem *Tortura indicatur*: conf. de reliquo de hac circum-

stan.

stantia Zaccbias l.c. & Fortunatus Fidelis l.c. cap. 5. p. 235.  
 & quando nonnunquam quibusdam ita constitutis subjectis  
 tortura admittitur, attamen signa quædam recensentur, quæ  
 in iisdem observanda sunt, ex quibus judicare licet, an ob-  
 fui corporis rationem periculum aliquod immineat, ut ea-  
 propter tortura suspendi debeat; nihilominus semper dubi-  
 um subest, an non tale quid evenire queat & si evenit, totus  
 torturæ processus aut *onceps* & *evanidus*, aut plane *frustra-*  
*neus* & *inutilis*, aut suo scopo privatus sit, hinc in hac etiam  
 circumstantia prudentia opus est.

## §. XI.

A Tortura immunes sunt Fæminæ, quamdiu Men-  
 sium fluxu laborant, (conf. Zaccbias lib. 6. tit. 2. qu. 4. Am-  
 manni Medic. Critic. Cas. 19. disc. 19. n. 3. p. 159.) qui vero  
 quando desinit, iterum illas, si non alia obstat circumstan-  
 tia, tormentis subjicit: quemadmodum enim huic Mensi-  
 um negotio animi afflictiones & patheticæ commotiones,  
 velut *angor*, *mæror*, *terror* &c. valde infensa sunt, tales ve-  
 ro motus animi cum comminatione & adjudicatione Tor-  
 turæ in fæminis *perpetuo* cohærent, ita non modo *ante*  
 Torturam, quando hanc *anxie* & *extreme abhorrent*, sed  
 & *sub eadem*, graves *alterationes* illius fluxus certius immi-  
 nent, dum in quibusdam pro ratione subjecti *subitanea* &  
 valde *pernicioſa* ejusdem *imminutio*, nec non *suppressio*, se-  
 quitur; Unde eximia sanitatis *offensio* oritur, quæ *in sensi-*  
*bilibus*, *plethoraicis* & *de calido* temperamento participanti-  
 bus fæminis quandoque in *repentinos* *funestos* eventus &  
 effectus transit; qualia multa exempla ab observatoribus al-  
 legendur, quando videlicet a *terrore* *magno*, aut *mærore*  
*profundo*, *Menses subito suppressi* fuerant, velut sunt af-  
 fectus

fectus syncoptico-cardialgico-suffocativi, convulsivi, apople-  
 tici, bemiplectici, inflammations summopere periculosæ,  
 spasmi fixi, contracturæ, colicæ convulsivæ, pathemata hy-  
 sterica convulsiva lethalia, febres valde acutæ, pbrenitides,  
 maniaæ & similis qualitatis aliæ intricatæ & interdum plane  
 incurabiles morbosæ afflictiones: in aliis facile superveni-  
 unt chronici morbi & tanto magis corrupti, complicati, re-  
 fractarii, quo majoris momenti & efficaciæ causa est, quæ  
 Menstruum fluxum turbavit; quales morbi citius & faci-  
 lius in deteriorem, quam meliorem convertuntur statum:  
 imo dolor, cruciatus, suspiria, clamores, angoresque cum tor-  
 mentis conjuncta facile Menfes retinent & pertinaces conge-  
 stiones in hypochondria, ad splenem, ventriculum, intra pectus  
 & caput convocant, unde affectus hypochondriaci, splene-  
 tici, melancholici, cardialgici, ad vomitum cruentum alias-  
 que vicarias & ex insolitis locis eluctantes Hæmorrhagias  
 spectantes æque refractarias & ægerrime curabiles, origi-  
 nem trahunt: nec non vel major torturæ gradus, vel for-  
 tis dolor gravissimas commotiones sanguinis invitat, ut pro-  
 pterea stupenda & ferme lethalia profluvia sanguinis uteri-  
 na in fæminis plethorice calidique temperamenti metuenda  
 veniant; vel evenit etiam, ut ob impetuosam talem com-  
 motionem amplior vasorum sanguiferorum in utero eru-  
 ptio oriatur, cum qua deinde diuturnæ & velut constantes  
 & incoercibiles cruentationes, aut suspectæ corruptiones ute-  
 ri aliquando conjunguntur: quare pro sanitate fæmina-  
 rum observanda tutius est, si dictata tortura fæminis ali-  
 quot diebus post cessationem Menstrui fluxus indicetur &  
 applicetur: Ita etiam cum altera specie Hæmorrhagiæ, vi-  
 delicet Hæmorrhoidibus procedendum est: loquimur vero

non

non de illis, quæ multas *morbosas afflictiones & anomalias* complectuntur, sed quæ in *regulari qualitate constitutæ*, *sanitatis medicina* in talibus subjectis, tanto magis si exquisite *salutiferæ & periodicæ* in iisdem existunt. Cum enim *sales Hæmorrhoides valde mobiles, mutabiles & in ataxias pronæ existant, subinde etiam levioribus causis & alterationibus obtemperent*, tanto magis vero *patheticis animi commotionibus presso pede & celeri progressu auscultent*, ita eo *certius & periculosius damnum iisdem subjectis imminet*, quando vel *prima vice fluentibus Hæmorrhoidibus, vel proxime accendentibus & imminentibus, vel de reliquo sub quolibet fluxu & successu illarum, Tortura, in quocunque fuerit gradu, sive verbalis, sive realis indicatur & administratur*, quoniam conjuncta *eximia mentis afflictio*, nec non *dolor corporis, magna alteratio motus sanguinis, vehemens offendit motus hæmorrhoidalis, aut præcoccia & ardua morbosæ specimina, aut consequentes chronicos pertinaces affectus causantur*, quos longa serie haud enarrabimus, quoniam passim in *Hæmorrhoidum suppressarum, anomalicarum & alia perversa qualitate præditarum explicazione allegatæ prostant*: illud vero hoc loco sciendum, quod *motus hæmorrhoidales, hac causa turbati, pessimæ qualitatis existant, dum simul efficacissimum influxum moralem æq; ac physicum in subjecta habent: eam ob causam Torturæ actualis significatio & applicatio tamdiu differenda est, donec periodus hæmorrhoidalis transiit: & hæ modo traditæ annotationes & circumstantiae tanto magis in Fæminis observandæ sunt, quæ vel simul Mensum & Hæmorrhoidum fluxu, vel alternative illis laborant; quippe quæ citius & facilius multis periculis subjici solent, id quod multis locis D.D. Præses in tract. de Hæmorrhoidibus demonstravit.*

## §. XII.

Nunc in ordine ratio habenda *Valetudiniorum*, sive  
*ex morbo* afflictione *infirmorum*, quos ipsi etiam *JCTi* sub-  
certa limitatione a tortura *exemptos* esse judicant: unde  
*Tabor l. c. ss. 29.* dicit: *Valetudinariis excusationem Dd. indulgent*, qui tali scilicet morbo laborant, qui torturæ vim  
non fert: *conf. Carpov. qv. 118. n. 46.* *Brunnemann. l. c. n.*  
*27.* *Matthias de Crim. n. 10.* *Zacchias l. c. n. 7-14.* *præc. n. 15.*  
ubiait: *Sed neque valetudinarii & debiles funis tormento a-*  
*pti sunt: cum utriusque præ imbecillitate facile possint deficere:*  
*facile item est eos novis ægritudinibus ex ea violencia preben-*  
*di, non sine manifesto vitæ dispendio: sed quinam ad hunc effe-*  
*ctum debeant dici debiles & qui valetudinarii non ita in prom-*  
*ptu est: signa equidem ex quibus valetudinarii deprehendi*  
*possunt, jam percurri Lib. 3. tit. 2. quæst. ult. n. 7.* *Sed in hac*  
*ipsa re judicis arbitrium requiri non est dubium, quod requiſi-*  
*ta Medicorum sententia ferre deberet.* *Clasenii in art. 59.*  
*verba sunt: & hoc extenditur ad alios valetudinarios &*  
*infirmos, qui vel omnino non sunt torquendi, vel ita leniter,*  
*ut nullum inde vitæ aut corporis sentiant periculum: Beyeri*  
*delineat. Jur. Crimin. art. 59. n. VI. Fort. Fidelis l. c. cap. 6. 7.*  
*8. 9. Löw. l. c. ss. 319.* quo loco *JCTi & Medici* rationem ha-  
bent morborum curabilium & incurabilium & in eo conser-  
tiunt, quod subjecta durante morbo tormentis affligi non  
debeant, ne afflito detur afflictio, neve præsenti morbo  
inde majus accrementum & periculum accidat: quare tam  
diu expectandum est, donec morbus superatus fuit & ne-  
cessariæ vires rediere; quare *Blumblacker l. e. n. 14. p. 129.*  
*Carpovio* contradicit: qui posterior judicat, quod valetu-  
dinarius territione affici queat: ille vero dicit: es seynd aber  
die

Die Jura in solchen Fall zugegen, als welche wollen und verordnen *ut torquendus salvus maneat, vel innocentiae, vel supplicio.* Ludovici in der Einleitung zum Peinl. Procesß c. p. §. 47. dicit: Wann der Inquisit mit Leibes-Schwachheit beladen, oder verwundet ist, muß die Peinliche Frage bis zu erfolgender Wiedergenesung, wann dazu Hoffnung vorhanden, verschoben werden, conf. Frölichsburg l. c. n. 6. p. 202. ubi scribit: Blumblacher art. 46. n. 14. lehret, daß so lang einer Krank liegt, so lang soll er nicht torquirt werden: jedoch ist vißfalls das Judicium Medicorum nicht zu verachten, sondern bey allzu lang anhaltenden Krankheiten, das Gutachten von Schwehr- und Gefährlichkeit der Krankheit einzuholen: *Vario itaque modo & ob diversas rationes Medicorum judicia sunt requirenda, primo ut inquirant & decidunt, an morbus sit verus & non simulatus, deinde in quo gradu consistat, porro an sit curabilis, præterea si curatus est, an subjecta sufficientibus instructa sint viribus, ne periculosa Recidiva metuenda sit & denique si morbus plenarie curari baud potest, an subjecta mitiorem & qualem torturæ gradum, sine eximio vita damno sustinere possint: etenim in talibus valetudinariis hominibus, qui perfecte curari nequeunt, Carprovius l. c. n. 47. comparatam torturam admittit, cum quo Ludovici consentit, quando sentit l. c. ist aber keine Hoffnung ( videl. seiner Wiedergenesung) muß man die peinliche Frage dergestalt mäßigen, damit der Gefangene dadurch an seinen Leben keinen Schaden leide: conf. Anmerkungen in Cap. X. Brunnemann. Anleit. zur vorsichtigen Anstellung des Inquisit. Process. §. 2. p. 352. Consultum itaque est, ut etiam in tali casu & necessitate monente & adhortante Harprecht Respons. 28. n. 25. 26. Medicorum consilia & judicia pro regula seligantur & observentur:*

tur: Ejusmodi *infirmitati & morbosæ constitutioni annumeranda* est *propensio singularis nonnullarum personarum in animi deliquia sive Lipothymias*, quæ quibusdam admodum *familiaria* sunt, ut ob *moraes & physicas causas* in eadem facile delabantur: talia subjecta & *animo valde sensibilia* sunt, quorum supra §. 3. & 4. mentio facta fuit, quæ subinde quoad *corporis statum ut plurimum imbecilla & valetudinaria existunt*: quæ *Lipothymiae* dum *animo & corpori magnam alterationem conciliant*, semper ad *deteriorēm statum disponunt*: ut *perennis metus subsit*, quo talia subjecta, aut torturæ *comminatione*, aut actuali *applicatione* afflita, facilius in *gravius sanitatis damnum* incident: hinc circumspectione & judicio *Medici opus est*, etiamsi quædam subjecta quoad *externum corporis habitum sana* videantur: præcipue *cautela* observanda est in hominibus valde *plethoricis*, in *vehementes & ominosas sanguinis commotiones*, nec non *salutarium & necessariarum evacuationum turbas* pronis, in quibus *Lipothymiae*, ex causis *fortius animum afflignantibus natæ, periculosiores effectus habere solent*: & si quæ circumstantiæ occurrant, vel *minoris lipothymiae gradus*, vel paulo *firmioris roboris corporis*, vel reliquæ *mediocris sanitatis &c.* tunc semper *le-*  
*nior* etiam torturæ gradus admitti, insuperque *circumspe-*  
*ctio illa* observari debet, ne sub tortura *gravior ingruat* *Lipo-*  
*thymiae gradus*, qui in certis subjectis in *syncopicos, suffocativos, apoplecticos* aliosque, si non *confestim funestos*, tamen *periculosos & valde intricatos effectus degenerare* potest, ut propterea *periti medici & æqui judices, semper si-*  
*nistros tales effectus, sub quibus finis torturæ annihilatur, ante oculos quasi positos habere & annotare debeant.*

## §. XIII.

Quando vero jam seorsim certos morbosos affectus consideramus, qui peculiarem conciliationem cum Torturæ administratione merentur, tunc mox sub animadversionem vocamus Morbos Convulsivos: *Gravitas* talium affectuum J<sup>C</sup>tos permovit, quo subiecta, cum iisdem afficta, certa cum limitatione a *Tortura immunia* declarant: Sicut itaque diversi sunt horum morborum gradus, ita diversa formanda sunt *judicia*: dantur enim affectus convulsivi, rationem valde infatuantes & corpus nimium enervantes; dantur etiam, qui in *lethales* exitus propendent, dantur qui *caput* & *pectus* nimium affligunt, adeoque *apoplecticos*, fatales *syncopticos* & *suffocativos* affectus inferunt & minantur; in quali casu ne quidem *territio* locum invenit, ne occasione *torturæ*, quæ medium eruendi veritatem esse debet, *vita periculum*, adeoque velut *pœna* infligatur: non quidem hoc loco *de illis* nobis sermo est hominibus, qui tales morbos simulant, ad quos præcipue advertit *Wildvogel l. c. §. 7. p. 42.* in quali casu absolute Medicorum cognitio conferenda est, quoniam hominum *malitia* adeo versuta est, ut facile quoad plurimas circumstantias talem morbum fingere queant *conf. D. L. Præsidis Jurispr. Med. Tom. I. Part. I. c. 12. §. 6. lit. g. & cap. 10. §. 8. lit. a.* ubi multi casus & authores allegantur, qui simulatæ Epilepsiae mentionem fecerunt: *conf. Breslauis. Gesch. 29. Vers. p. 222.* neque etiam hac occasione *Lunaticæ Epilepsiae* mentionem injicimus, quæ perinde ita qualificata est, ut facile ab illa, fortí commotione *animi* & magno dolore corporis excitata, *gravissima* damna oriri queant: si itaque in rebus dubiis J<sup>C</sup>ti mitiorem feligunt sententiam, ita in hac observatione, quæ non du-

bia & fallax est, rectius tortura *omittitur*, quam admittitur; unde etiam *illa præcautio* haud multum *valoris* continet, (quam profert *Brannemann in der Anleitung zu vorsichtiger Anstellung des Inquisitions-Proceßes cap. X. §. 6.*) quod *talibus epilepticis lunaticis* tortura non tempore eminentium mutationum lunæ adhibenda sit, quoniam talis epilepsia *omni tempore*, gravi *terrore & angore*, in quem ejusmodi subiecta admodum prona sunt, aut magna *corporis afflictione*, *excitari* potest: hinc talia etiam subiecta apta ad torturam habenda *haud* sunt, in quibus magis *mali* successus metuendus, quam bonus sperandus: si quidem alias tam *sonticus actus*, qualis *tortura* existit, haud frivole suscipi debet: subiectis itaque *vera Epilepsia laborantibus*, *ultra territionem verbalem* haud tortura competit, quoniam motus convulsivi illam *communem indolem* servant, ut *levem causam irritantem* sequantur: quare *communis medicorum consultatio* in *præservatione motuum talium* est, ut subiecta in accurata *animi tranquillitate* conserventur, proinde omnes *sensibiles afflictiones a corpore avertantur &c.* quæ circumstantiae cum torturæ indicatione & administratione plane non congruunt: & licet *Carpov. l. c. n. 50. Hertius Respons. 84. Besoldus Conf. 200. Harprecht Conf. 28. Ludovici in art. 59. C. C.* (cujus verba sunt: *de Epilepticis difficilior est quæstio: Sed tamen & hoc firmum manet, torturam ipsis in totum non esse remittendam propter utilitatem, quæ ex detectione criminis in rempublicam redundat: nos vero interloquimur, quodsi in tali casu omnis apparatus & usus torturæ, ut facile fieri potest, frustra succeedat, ubi illa expectata utilitas? interim hic ante omnia consulendi sunt medici, eo-*

rumque *judicium sequendum & juxta hoc dijudicandum,*  
 & quibus tormentis ejusmodi homines sint subjiciendi) addimus Beyeri *commentationem in b.art.n. VII.* quod si torquendus epilepsia laboret, tortura moderatius instituenda, & impr. superveniente malo epileptico finienda; nec non Kressii verba in eundem *articulum: De Epilepsia difficultior inspectio esse dicitur: ultra primum gradum contra epilepticos vix proceditur: sic & a nostro ordine juridico tantum publicum compressionem hoc casu admissam fuisse memini: interim malo Epilepsiae superveniente in tortura, illa remittenda;* (Sed quæ inde utilitas) & si non satis peracta, differenda est: Si itaque una aut altera vice quidam homines *convulsivis* motibus subjecti fuere, tunc verbalis & realis tortura eosdem non modo ulterius invitare, sed & tanto magis exacerbare & confirmare potest: quod vero etiam soleat, id probamus ex illa *communi observatione*, quod convulsionibus excitandis, accelerandis & confirmandis nihil magis satisfaciat & contribuat, quam aut subitaneus aut eximius affectus animi patheticus, aut sensibilis dolor, corpus semel morbosum magis affligens, utrumque in Torturæ universo processu contingit; quoniam itaque illis *præcautionibus*, a Jctis prolatis, sufficiens experientia deficit, videlicet quod unquam vere epileptici torturæ aut primum, aut secundum gradum cum desiderato successu & effectu sustinuerint, & tantum quædam consilia surrogantur, quæ tota sua indole ambigua & fallacia sunt, hinc medicorum judicia & nostra etiam momenta majoris ponderis sunt: neque in hac præcautione pro avertenda ullum valorem habet, illa nonnullorum Jctorum consultatio, quasi medici ad *præcavendam Convulsionem apta re media*

*media exhibere adeoque subjectum ad Torturam subeundam præparare queant, (conf. Brunnemann. Anleitung zum Inquis. Process. X. n. 6. p. 36. cuius verba: Hernach ist nöthig, daß dem Inquisiten vor der Peinigung ein præservativ von einem verständigen Medico eingegeben, und der gestalt nach Möglichkeit dieses Ubel zurück aehalten werde. Stryck. in not. ad Lauterb. tit. de quæst. voc. Epilepsia. Harprecht Vol. 2. Consult. 87. n. 19.) quia in nullius medici capacitate est, tali modo citra præjudicium sanitatis convulsiones præservare, quid quod res præstitu difficultissima est, sub optima & exquisitissima animi & corporis moderatione convulsiones videlicet idiopathicas, habituales & frequentius repetitas (nam quæ cum alio sōntico morbo complicatæ sunt, eo minus ullum torturæ gradum admittunt) præservare posse: dum vero in personis de criminе & delicto commisso suspectis, multi animi motus & quidem fortes & constantes succedunt, sive fuerint metus & angores de subeunda pœna, sive curæ, ærumnæ & indignationes de innocentiae statu, procedunt, ita vel hæc unica consideratio omnem efficacem usum præservantium talium remediiorum, subinde etiam, excepta leni territio-ne verbali, reliquum ætualē Torturæ usum reclamant: unde quoad hasce meditationes prudentis Medici arbitrio plus, quam judicis usu opus est: neque quidem Medici præsentia, quando tali affectui obnoxiiis tortura adhibetur, singularem opem promittit! etenim quando nunc ejusmodi affectus sub tortura imminet, tunc medicus quidem hoc indicare, sed haud præcavere potest, ut vel desistat, vel sua invasione in casu præsenti, cuius causa magnæ efficiæ est, damnum eximum sanitati subjecti non inferat:*

rat: etenim quando remedia in illo puncto temporis propinuantur, quæ convulsiones arcere & præcavere debent, si illæ jam accelerant ac imminent, tunc ut plurimum proximus paroxysmus atrocior, fortior & periculosior evadit: Si itaque ex observationibus medicis certum & confirmatum est, quod mitiores convulsiones gravioribus animi & corporis offenditionibus accelerentur & exacerbentur, si consilia Jctorum in hac causa & hoc casu dubia, nec ullo casu exoptati successus confirmata, sed tantum pragmatica, aut etiam in suppositione constituta, haud vero practica sunt, si Medici id præstare haud possunt, quod Jcti velut fundamenti loco in hoc casu ponunt; si secundum ipsorum Jctorum præcautionem & metum usus torturæ in talibus subjectis ambiguus est, tunc facile concludere licet, quid a Tortura in talibus personis expectandum veniat: & ita Zaccbias l.c. n. 8. Epilepticos homines a tortura eximit Fort. Fidelis l.c. cap. 7. eosdem a majori tormentorum gradu immunes declarat; de reliquo ex hactenus annotatis & prolatis circumstantiis, relationibus & rationibus facile liquet, quod mitior etiam torturæ gradus in epilepticis subjectis, paulo robustioribus, nihilominus valde & plus dubium atque anceps ad eruendam veritatem maneat medium, quam ut secundum omnem præcautionem certus quidam successus prædicendus & expectandus veniat: plures huc allegandæ rationes medicæ ex prædictis fluunt, & illis facile perspicuæ erunt, qui rite & perite intelligunt, quid motuum vitia in hominibus efficiant, quæ non modo pertinacius & impetuofius continuant, sed constantius medica auxilia eludunt & respuunt.

## §. XIV.

Progredimur nunc ad *alios morbos*, qui in nonnullis individuis Torturam aut *absolute*, aut *comparate* respaunt: inter illos mox *Februm* reminiscimur, quæ suo paroxysmo *præsentes*, omnem torturæ gradum haud admittunt, ubi nulla *Februm* species exempta est, siquidem *metus*, *angor* & *perturbatio mentis*, nec non *gravis dolor*, *læsio* & *extensio* corporis legitimo decursui Febris & sanitatis promotioni plane *contrariantur*, quales afflictiones tormentorum speciebus *essentialis* esse solent: neque etiam quisquam vel Medicorum vel *JCtorum* ita crudelis erit, ut tam *sonteo* morbo afflito, torturam adjudicet: *conf. Zacchias l.c. n.7. Fort. Fidelis l.c. cap. 9.* quo loco producimus verba Frölichii l.c. n.6. p.202. Einige lehren, daß ein Febricitant am *Erstern* Tag torquiret werden könne: andere aber wollen, daß man das Judicium Medicum beobachten solle: & ita etiam est! etenim sine *Medici* judicio ne quidem de illa quæstione cogitare licet, an *Febricitantes* torqueri queant? id interim decidendum venit, an febre *chronica*, aut *intermittente* laborantes torturæ congruum subiectum constituant? quidam existimant, quod in *intermittentium* *libero* aut *intercalari* die subiecta torqueri queant; nos iterum negativam sententiam defendimus: quoniam hæ *Febres* ullo modo *turbatæ*, aut *contumaces*, aut plane *periculose* evadunt: etenim sub illis *Febribus omnia* subiecta, relative *enervata* existunt, *tortura* vero hanc debilitatem *auget*, ergo *sanitati* & processui febris valde est *infensa*: Febris talis *legitimum*, *temperatum* & *regularem* decursum requirit, si ad *sanitatem* pertendere debet: *Tortura* motum & typum febrilem valde *pervertit*, offendit & confundit.

fundit, ergo febris decursum reddit præjudicium &  
 perniciem: Febris hæc liberam fibrarum motricum actio-  
 nem requirit: tortura has fibras laedit, extendit & enervat,  
 unde Febrem ipsam turbat ac nocivam eidem qualitatem  
 affundit: Febris hæc adæquatum suæ causæ postulat mo-  
 tum sanguinis, Tortura vicissim valde motum hunc ex-  
 acerbat & perturbat, unde decursum & eventum febris fu-  
 nestum facilius reddit; quare recte judicat *Zacchias*, quod  
 in aptis subjectis tortura intermittentes in periculosas con-  
 tinuas conjiciat febres: & quoniam tales intermittentes fe-  
 bres facile perversas qualitates assumunt, basce vero tor-  
 tura, respectu animi & corporis facile provocare potest,  
 ita consultius est, ut torturæ comminatio & applicatio dif-  
 feratur, donec febris talis cessavit; servata illa cautela, ne  
 confessim post illius abolitionem & cessationem tortura sus-  
 cipiatur; quæ quia *animum* & *corpus* valde afficit & offen-  
 dit, motum febrilem facile iterum excitare, recidivam pe-  
 ricolosam causari, aut ob gravem hanc alterationem peri-  
 culosos & corruptos affectus consequentes allicere potest:  
 dicimus in hoc casu, quod tale quicquam efficere possit,  
 quoniam aliæ causæ similiter *animum* & *corpus* valde affi-  
 cientes, tale quicquam actu causari solent: neque etiam  
 juxta regulas artis medicæ consultum est, ut brevi post su-  
 peratam Febrem quandam *Continuam* Tortura admittatur,  
 quo tempore vires adhuc sunt debiles, viscera sufficienti  
 robore destituta, humores nondum plenarie defacati, aut  
 a residuis impuritatibus liberati, reliquæ etiam functio-  
 nes se- & excretoriæ nondum in justum ordinem restitutæ,  
 unde aliæ causæ, mitius, quam extortura metuendæ, effi-  
 caces, *animum* & *corpus* alterantes, vel præcipites & valde

*periculofas Recidivas, vel alios corruptos morbos accersunt:*  
 eam ob causam pro diversitate *gravitatis* Febris modo *ma-*  
*ior,* modo magis *restricta* & limitata *mora* observanda est,  
 donec *Tortura* in subiectis præsentis quæstionis admitta-  
 tur: Hisce observationibus adhuc hanc annumeramus,  
 an homines diuturna *Hecticæ* Febre laborantes Torturæ  
 submitti secure queant? loquimur vero de *talibus* hecti-  
 cis, qui aliquando *magis* vegeto & vivaci sanitatis gradu  
 instructi esse videntur, quibus secundum *externum* con-  
 spectum *lenior* torturæ gradus concedi posset: attamen *in*  
*genere* de hecticis sciendum, quod secundum *communium*  
 & *ordinariarum* causarum influentiam illi *repentinis* muta-  
 tionibus non in *melius*, sed in *deterius* subiecti sint: id quod  
*tanto magis* de illis circumstantiis valet, quæ ex *Torturæ*  
 annunciatione & administratione *animo* & *corpori* super-  
 venire solent: nam *Medici* non semper *specialissimas*  
 qualitates *causæ*, *Hecticam* provocantis, significare possunt,  
 siq[ue] idem aliquando illa ita comparata esse solet, ut *repenti-*  
*na* quadam superveniente commotione, *subito* funestum  
 exitum invitare queat soleatque, velut sunt *vomicæ* pul-  
 monum *subito* perrumpentes, *occlusi* viscerum *abscessus* re-  
 pente eructantes & aliquando simul *majorum* *vasorum* san-  
 guiferorum *erosionem* & lethalem sanguinis *extravasatio-*  
*nem* inferentes; quales alterationes *sub tortura* facile pro-  
 vocari possunt, ita ut sub eadem *repente* hecticum subje-  
 ctum, quod antea in *tolerabili*ori gradu constitutum fu-  
 erat, *vita* plane privetur: eam ob causam vere hecticis  
*Tortura* adjudicari haud potest, nisi hæc *in sola* *verbali* ter-  
 ritione *consistat*; ubi tamen in *quolibet* *tali* *casu* periti  
*Medici* judicium requirendum, quo cognoscendum est,

an morbus *vera* sit *Hectica*, in quo gradu hæc sit constituta, qualis sit *constitutio* subiecti, tam ratione *animi* & *morum*, quam reliqui *corporis*, siquidem ex ejusmodi & adhuc *aliis titulis*, *articulis* & *momentis* rationes satis *fundatæ*, eminentes & evidentes profluere possunt & solent, quo *minus* talibus subiectis, aut *minor* aut *major* Torturæ gradus admitti queat; ob id in *primis* hecticæ febris *accessibus* territio *verbalis* & *realis* locum quidem invenit, haud vero in *majoribus* hujus morbi accrementis illa secura est, siquidem alias aut *in hecticam inclinantes*, aut *actualiter* illa correpti homines *animo* & *corpore* valde *sensibiles* & *præcipitibus* alterationibus obnoxii existunt, ob quam rationem eo *major prudentia* adhibenda est, quando *questio* proponitur, an Hecticis secure Tortura decerni & adhiberi queat?

## §. XV.

Ad *alios* nunc accedimus *Morbos* & in compendio de iisdem judicabimus & indicabimus, *an citra vitæ* eminens dispendium *Torturam* tolerent? In hac disquisitione vero *triplex* consideratio occurrit, videlicet de morborum *præsentium* *vehementi* gradu & statu, sub quo tormenta *nulla* adhiberi possunt, quia ipsa morbi *gravitas*, torturæ *vices* gerit, ut illi homines, qui in *mortis portis* & *summo* periculo constituti sunt, aut *delictum confiteantur*, aut *damno animæ & jactura salutis* reticeant: deinde *questio* occurrit, an homines morbis *incurabilibus* & per intervalla *intermittentibus* ac *mitescientibus* detenti, torqueri queant? & denique an in quibusdam tortura *tam diu differri* possit & debeat, donec subiectum *pristinam* sanitatem recuperaverit: ubi nec de *ultima* hac *qvæstione dubitatio*

occurrit, ni singulares *nove & aliae* interveniant circumstantiae; *media* animadversio ex sequenti deductione erit decidenda: Si itaque homines *proxima* proclivitate in *apoplexiam*, morbos *suffocativos*, *haemorrhagias* excedentes & *convulsiones*, aut similes alias *inclinant*, tunc tortura ipsis *actu* applicari haud potest, ni sub *certis* circumstantiis *territio verbalis* in talibus personis locum inveniat: Si quidam homines unquam vel *minori*, vel *majori* *apoplexia*, *paralysi* (*paralysi* tacta membra a tormento excludit *Fidelis l.c. c.9.p.243.*) *syncope*, &c. correpti fuere, nunc vero perpessi hujus affectus varia sonica *residua* adhuc signa continent, *realis* tortura in iisdem locum non occupat: Si homines *vertigine* suspecta & caduca, *polypo cordis*, magna *struma*, *asthmate* valde angente, aut plane *spastico* (*vid. Zittmanni Medic. Critic. p.354.seq. Cent. 1. cas. 2.*) *phthisi*, eximia propensione in *Hæmoptysin*, *Vomica pulmonum*, *spasmo diaphragmatis*, obstructo hepate, *scirrho lienis*, *colica convulsiva*, affectu *hypochondriaco*, *melancholico*, morbo *hysterico*, (quoniam hoc affecto, facile ob torturam in *convulsiones uterinas* concidunt *vid. Ammannus in Medic. Critic. p.158. discurs. 19. Cas. 19.*) *Haemorrhagia uteri*, *Mensium gravioribus* vitiis, *nephriticis* pathematibus, diurno & cum multis spasmodis coniuncto *fluore albo*, *spasticis* motibus *vesicam urinariam* valde afflignantibus, *scorbuto consummato*, *contractura* & *aridura* partium, morbis *obscuris*, at-tamen *intricatis*, *ulceratione* partium *nobiliorum* internarum, *dysenteria*, *diarrhoea chronicæ* & multum enervante, frequentioribus & valde *vires* exhaustientibus *Haemorrhagiis*, *tussi suspecta* & *refractaria*, valde *difficili* respiratione, *strangulatoriis* spasticis motibus, subitaneis *conge-*  
*stio-*

fionibus caput infestantibus, periculis erysipelaceis capitiis offenditibus, præc. crebrioribus & animi pathemata re-  
 pente sequentibus, præcipitibus salutarium excretionum  
 suppressionibus, spasmis ventriculi, consuetis cholericis pas-  
 sionibus &c.&c. laborarunt, aut in tales morbos facile di-  
 labuntur, tunc iisdem tortura realis haud congrua est, ter-  
 ritio vero verbalis aliquibus quandoque, (si aliæ non ob-  
 stent circumstantiæ, quarum plures in singulis prædicta-  
 rum morbosarum afflictionum casibus, etiam verbalem  
 territionem respuunt, quales in præcedentibus commemo-  
 ratæ sunt) adhiberi potest, quo valet, quod consentien-  
 tibus plurimis Criminalistis Blumblacher l.c. n.14.p. 129. ju-  
 dicat: Dahero dann in der Chur-Bayerischen Malefiz-Pro-  
 cess-Ordnung auch der mildere Sentenz erwehlet und simpli-  
 citer geordnet ist, daß die Kranken, so lang sie frisch seyn,  
 nicht torquirt werden sollen: rationem addunt Jcti &  
 Medici: illi plurimi inter quos Francis. in tr. de torment. c.  
 10.n.8. & Theodoricum in judicio criminali practico c.g.aphor.  
 X. lit.c. p. 1262. nominamus; etenim omnibus talibus morbis  
 magnus angor animi, dolor corporis, gravis motus sanguinis  
 alteratio, fibrarum motricium offensio, laesio, tensio, extensio  
 &c. valde infensa sunt, ut tales affectus certius exacerbentur  
 & deteriorentur, vel si antea remiserunt, majori gradu &  
 acerbitate invitentur & in perniciosa Recidivam conjici-  
 antur: Si quidem ex diversis horum memoratorum affe-  
 ctuum indole repentinus funestus eventus metuendus est,  
 si torturam in iisdem adjudicatur: consultius itaque hæc  
 aut omittitur, aut eo usque differtur, donec sufficienter, si  
 fieri possit, a tali morbo subjecta restituta fuerint: quan-  
 do vero tortura valde necessaria esse reputatur, tunc Me-  
 dici

*dici cognitio & judicium requiri debet, an quædam subiecta, an quidam horum morborum, & quidam horum gradus territionem realem & leniorem torturam admittant: pluri-mi vero prædictorum morborum ita sunt comparati, ut realem torturam respuant: conf. Zaccias l.c. n. 18. Fort. Fidelis l.c. cap. 6. 7. 9. Omnes morbi, qui præcipites sunt in graves spasmos, aut plenas convulsiones torturam realem non admittunt, quid quod ob terrorem, mæorem, angorem & variam perturbationem animi facile a territione ver-bali offenduntur: hinc & Judices & Medici conscientio-sam circumspectionem adhibere debent, ne sua culpa in admittenda tortura effectus & eventus, a Justitia disce-dentes, allicant.*

### §. XVI.

Proinde alii adhuc *morbosi* affectus sub disquisitio-nem veniunt & quidem *Herniosi*, quorum etiam *J. C. t. se-or sim* mentionem faciunt, velut *Carpzovius* l.c. n. 49. ubi de homine loquitur, qui rupturam circa genitalia habet, quem moderate, ne ruptura incrementum accipiat torqueri posse cum *Stephani* in art. 59. C. C. judicat, horum herniosorum mentionem etiam facit *Tabor* l.c. n. 29. circa finem. *Brun-nemann*. *Anmerkungen über die Anleit. des Inquisit. Pro-cess. p. 356. ad §. 6.* huc pertinet judicium *Blumblacheri* in art. 59. C. C. es scheinet aus den Text, daß nicht ein jeder Schaden oder Wunden des Leibes von der Tortur excusire, sondern daß in solchen Fall, wo der Gefangene mit einen Schaden oder Wunden behaft, dergestalt zu torquiren, daß es ihm am we-nigsten Schaden bringe, und in solchen Fall ist gemeiniglich der Daumenstock am wenigsten schädlich oder gefährlich. *Ludo-vici* in der Anleit. zum Peinl. Procesß cap. IX. §. 47. p. 95. dicit:

dicit: Diejenigen so einen Bruch haben, kan man nichts des stoweniger mit denen Daumstöcken, Schnüren, Spanischen Stiefeln, und so weiter, angreissen, nur dieses einzige ausgenommen, daß man sie nicht ausdehnet, oder auf die Leiter spannet, weil dadurch das Ubel würde vergrößert werden. *Manzii* verba sunt in art. 59. in hoc articulo monet *Imp. iterum judicem*, ut si reus rupturam in corpore suo habeat, eum cum tali moderamine torqueat, ne quid damni accipiat, vel ruptura augeatur: conf. *Ludovici* in art. 59. C.C. Inter Medicos Herniorum mentionem injiciunt *Fidelis l. c.c. 7.* *P. Zacchias l. c. n. 8.* *Eyselius* in disp. de morb. ob quos rei ad torturam sunt inhabiles §. 10. Hoc loco non modo de una, sed & de omnibus herniæ speciebus loquimur, in quocunque Sexu eveniant: talibus itaque afflictis personis tormenta acerbiora & atrociora haud convenient, minime omnium extensio in scalas; & quoniam reliqui minores torturæ gradus, velut forcipum & fidicularum, nec non compedium applicatio magnos dolores causatur, sub quibus eximii angores, clamores & totius corporis commotiones & pressiones concurrunt, ita peritus Medicus inquirere debet, an status subjecti & herniæ tales etiam torturæ gradus perferat: quamvis porro quidam herniosos cum subligaculis ad subeundam torturam præparare malint, velut *Fidelis* asseveravit, tamen recte judicat *Zacchias*, dum hernia sive ruptura intestinalis & magna est, tutum non est, bis remediis fidere: etenim alias contingere solet, ut, quamvis Hernia in quibusdam subjectis, cum apto subligaculo munita fuerit, sub durioribus tamen corporis laboribus & motibus gravioribus, ut & angoribus animi nihilominus vi quadam valde perniciosa, hernia exprimi soleat: quale quid etiam sub tortura

evenire potest ; quare in hoc etiam casu *Medici* judicio inhaerere convenit : servanda tamen est *cautela*, quoad illos homines, qui *Herniam simulant* : conf. de *Hernia simula-  
ta*, *Riedlinus iter Med.* p. 71. Similiter *Hydropici & Cache-  
Etici*, præcipue *confirmatores*, torturam sine insigni da-  
mno haud tolerant : si vero horum affectuum minor fuerit  
gradus, lenior etiam torturæ gradus in iisdem locum in-  
venit : Quicunque homines *Luxationes membrorum*, non  
*congrue restitutas gerunt*, aut *Fracturas ossium*, *recenter  
curatas*, continent, in illis artuum & reliqui corporis ex-  
tentio non quadrat, quemadmodum ab *atrociori tormento*  
*Fidelis l.c. cap. 8.* illos iminunes prædicat, qui aliquando  
*effracta* habuere brachia : huc pertinent *Kressii in art. 59. C.*  
*C. commentationes*, ubi *membrorum fracturas* etiam alle-  
gat : Quo etiam certa interpretatione *JCtorum* sententia  
referri meretur, quando de *Rupturis* mentionem faciunt :  
quid de *fractura ossium* judicat *Zacchias vid. l. c. n. 12.* Qui  
*Vulnera vel præsentia*, vel *recenter curata* gerunt, illi per  
*artic. 59.* a *tortura liberi*, aut lenius torquendi declarantur :  
*Vulnera itaque levia* haud in *aliquam* veniunt consideratio-  
nem, siquidem *Imp. periculosa & majora* præc. vulnera in  
*articulo intellesta esse* vult : præsente *periculo vitæ* in *nullo*  
*vulnere* tortura locum invenit ; si vero vulnus in statu  
*meliorationis & curationis* consistit, tunc cum tortura *præ-  
cipitandum* haud est, quia parva mora, nulla est mora ; qua-  
re *tamdiu expectandum* erit, donec vulneratus *sufficientes*  
ad torturam subeundam obtinuerit *vires*, ut eo certius *finis*  
hujus actus impetretur, de quibus *Brannemann Anleit.  
zum Inquis. Procesß c. X. §. 6.* dicit : Der Richter habe zu  
erwegen, ob der *Inquisitor* schwierlich verwundet, in  
wel-

welchen Fall die Peinigung aufzuschieben. Quod si vero vulnus quoddam fuerit ita *incurabile*, ut illius *morbus* status in *longiore* temporis terminum extendatur, tunc sub *mitiori* ægristatu, si *labes* non fuerit in *capite*, aut *intimiori* *pectoris* regione, *lenior* aliquando torturæ gradus admitti potest. Si vero vulnera quædam quoad *externum* conspectum consolidata fuere, interim in *interioribus* corporis, aut in *capite*, aut *pectore*, aut *abdomine* *intricatae* & valde præjudicioræ afflictiones *morbosæ* consecutæ fuere, tunc iterum talia subjecta *reali* torturæ submitti haud possunt: ita *Riedlinus* in *Lin. Med. An. 2. Mens. Octobr. obs. 23.* p. 511. historiam profert, de *tortura a vulnere*, olim *abdomini inficto*, *impedita*: Imprimis vero subjecta, quæ unquam *gravi* vulnere in *capite* læsa fuerant, torqueri haud promiscue debent; hæc enim communiter ex *levi* etiam causa *morali* & *physica* gravissimis alterationibus sunt obnoxia: quoniam itaque circa torturæ annunciationem, expectationem & actualem applicationem tales *animi* & corporis valde præjudiciori motus contingunt, ita ejusmodi subjectis præter *verbalem* territionem, nulla *actualia* tormenta sine accurata & judiciosa *Medici* cognitione adhiberi debent; siquidem insuper hæc tormenta & mentis integratæ & *vitæ* firmitati valde sunt infensa: quando etiam quædam subjecta in *brachiis*, aut *femoribus* & *pedibus*, aut etiam in *dorso* valde sauciata fuerant, tunc illa tormenti species, quæ corporis extensionem involvit, locum non invenit, quia fibræ cicatrice concretæ & abbreviatæ, nullam extensionem admittunt, ni *vitæ* & *sanitati* subiecto magna *vis* & calamitas in & adferatur, vid. *Fidelis l. c. cap. 8. p. 242.* in aliis vulneribus distincte *indolentibus*, tortura *realis* haud ad-

admitti potest, quoniam *accumulatio dolorum* facile suspe-  
 Etos *spasmos*, *convulsiones*, *inflammationes*, *febres* aliasque  
*periculofas* consecutiones causatur: & quando *Fidelis l.c.*  
*cap. 7.* subjectis ex *vulnere capitis levi* foramine conspicuo  
 adjudicat, quod *t tormentum sustinere innocue possint*, tunc  
 in hac adsertione *paucos* e Medicis suo *consensu* ad stipulan-  
 tes obtinebit; quoniam omnes periti Medici *capitis vulne-*  
*ra* ut plurimum *periculofora* aestimant, ni *externis* etiam  
 certis signis illa *leniora* appareant: *quibus* qualitatibus *Fi-*  
*delis vulnus baud quadrat*, quod de foramine *calvariam pe-*  
*ntrante* tractat: quid de *Vulneratis* sentiat *Zacchias vid. l.*  
*c. n. 8. 12.*

## §. XVII.

Haec tenus commemoratis Morbis adhuc plures in or-  
 dine anneximus, quorum *Medici* & *Jcti* mentionem faci-  
 unt, inter illos nunc nominamus *Spasmos*, qui *externum* cor-  
 pus cruciant, velut sunt *Arthritici*, *Ischiadici* & *Podagrici* &  
 similes affectus: quando tales affectus *præsentes* sunt, tunc  
 neq; *verbalis*, neq; *realis* territio, multo minus *major* tortu-  
 ræ gradus admitti debet, quia *omnibus Spasmorum speciebus*  
 in omnibus *subjectis animi commotiones*, velut terror, me-  
 tus, angor, indignatio &c. nec non *crasse excitati* *vehementes*  
*dolores* valde *præjudiciosi* & *infensi* esse solent, ut vel ma-  
 gis *confirmentur* & *pertinaces reddantur*, vel in *convulsivum*  
*schema* conjiciantur, vel in *alios periculofos* morbos con-  
 vertantur; aut plane *acerbitas dolorum*, sub *tortura* *oc-*  
*currentium*, efficit, ut *præsentes Spasmi*, inde confusi & *ex-*  
*orbitantes* reddantur, in *interiora* & *nobiliora* viscera pro-  
 grediantur, adeoque *perniciosa metamorphosis* patian-  
 tur: imo *periculofum* conamen est, partes *spasmissimis* talibus *in-*  
*dolen-*

dolentibus affectas violentia ratione extendere velle, unde  
 aut paralyticis, aut adematosi consequuntur affectus; quam  
 ob rem membrorum extensio in ejusmodi subjectis locum  
 nullum invenit: ast quæstio mitior occurrit, an non talibus  
 subjectis extra paroxysmos suos spasmodicos tortura con-  
 cedi & adhiberi queat? pro hac quæstione decidenda ite-  
 rum prudentia opus est: enim vero quando jam tales affe-  
 ctus in aliquo subjecto habituales existunt, tunc leviori animi  
 commotione revocari solent, id quod tanto facilius con-  
 tingit, si tales partes doloribus maximis afficiuntur, quæ  
 alias ejusmodi spasmodis cruciantur; quoniam itaque tortura  
 animi & corporis afflictiones afferit, ita facile impetuosas af-  
 fectuum horum recidivas causatur, id quod tanto certius,  
 citius & gravius contingit, in subjectis animo & corpore di-  
 stincte sensibilibus, temperamenti calidi, plethoricas, ex hæ-  
 reditaria dispositione ejusmodi morbo obnoxiiis, de reli-  
 quo immorigeris, aliisque prævis moribus præditis: inter-  
 rim lenius alias talibus morbis afflicti, congruo tempore le-  
 niorem torturæ gradum perferre possunt; & licet inde no-  
 vus spasmodorum recursus incitetur, tamen hic adeo perni-  
 ciosus haud est, insuperque medica auxilia in hisce affecti-  
 bus, paulo meliorem & certiorem opem promittunt: ast  
 quando quædam subjecta cum talibus spastis insultibus  
 periculosiora pathemata experiuntur, velut motus febriles,  
 vomitus, colicam, salutarium & necessiarum excretionum  
 momentaneas retentiones, vertigines &c. vel quando jam  
 initia contracturæ præsto sunt, tunc in iisdem non facile, vel  
 ullus torturæ gradus admitti debet, quare omnium cir-  
 cumstantiarum quoad subjectum & tempus &c. circumspe-  
 cta dijudicatio observanda est: neque etiam illi audiendi

sunt, qui ex *Hildani* observatione existimant, quod tortura talium affectuum *medicina* existat: & licet *Hildanus*, nobis etiam vir *fide sit dignus*, tamen in ea sententia ejusdem observationi haud subscribimus; etenim quando ipse ad plurimos per torturam ab *arthritide* & *podagra* sanatos provocat, tunc justo fundamento judicamus, quod hic casus valde *rarus* sit, ut *eiusmodi* patientes *torturæ* subjecta evadant: hinc plurimos illos, ad quos *Hildanus* provocat, omnino rariissimos esse existimamus, qua observatione itaque niti, ne illis quidem suasores sumus, qui *tali medio*, si *honesto* etiam modo instrui & applicari posset, uti mallent; quoniam tale experimentum *fallax* & *crasse empiricum* esset; *Veritati* quidem consonum & attentis *observatoribus* cognitum est, quod in talibus affectibus *lenior commotio corporis utilis* existat, modo *justo tempore* instituatur; ast tortura quæ *animum* & *corpus* vehementer afficit, in *talem censem* *boud* venit: ex *ambiguo* & *fallaci effectu* non valet consequentia ad certum quoddam *remedium commendandum*: hinc ipse *Hildanus* sua observatione non obtinuit ad plausum: & miramur cur *Zacchias l. c. n. 10.* velut *occœcaetus*, judicet, *quod si ita est, jam non esset timendum, quia suo potius commodo, quam incommodo arthritici torturæ es-sent exponendi*: qui si etiam adæquata & mitiori interpretatione salvandus esset, ut *reus arthriticus* ob hanc rationem torturam in *sui commodum*, quo *malil levamen* obtineret & in *justitiæ emolumentum*, quo *veritatem confiteatur*, sustinere debeat, tamen hoc experimentum neque *constans*, neque *imitationi commendandum* esset: de reliquo velut per *jocum inserimus*; quod, dum *Hildanus* commemorat, torturam in *Helvetia* & quidem *Bernæ* unum & alterum

sub-

subjectum ab arthritide liberasse (*vid. Hildanus Cent. 1. obs. 79.* & *ex eodem Camerarius in Syllog. Memor. Cent. 5. partic. 25.*) hoc remedium non nisi Bernæ valeat: quamvis hæc observatio non pro imitatione, sed pro conciliatione dolorum torturæ, cum doloribus arthriticis, & quomodo interdum unus dolor alterum excutiat & profliget, testimonio rubefacientium & Moxæ, quæ perinde a quibusdam in talibus affectibus commendari solent, enarrata prostet: de reliquo cum Ammanno *cas. 19. discurs. 19. n. V. pag. 159. Medic. Critic.* judicamus, quod *Torturam pro remedio Medico non liceat substituere: de arthritico ad Torturam inabili vid. Valentini Pandect. Med. legal. cas. 7.*

### §. XVIII.

Quando etiam quædam subjecta, *Venerea Lue* infecta sunt, tunc iterum illius gradus examinandus est: quare recte Zaccbias *I. c. n. II.* sentit, (quando antea ex Charrario, Deciano, Farinacio & Petr. Guazzino profert, quod hi Doctores, homines *hoc morbo* affectos, a tortura liberos judicaverint) *hoc ad nos pertinet determinare*, enim vero in tali casu quoad principalem quæstionem, *judicis arbitrium imperfectum* est, qui neque *majorem*, neque *minorem* hujus affectus, *qua judex*, gradum cognoscit: quare sciendum est, quod *minori* gradu affectus Venerei detenti homines *territionem verbalem & realem* sustinere queant, imo etiam *chordas* sive *fidiculas*: quando vero Malum *majora* accrementa naustum & variis ulceribus, tumoribus, carie ossum, nodis, tabe, multis doloribus, virium gravi prostratione &c. qualificatum est, tunc *nulla* perfert tormenta, excepta *territione* *verbali* & ut ita extra consuetum & receptum terminum loqui licet, *repræsentativa*, *qua vide-*  
*licet*

licet instrumenta torquentia, suspectis personis cum nuda comminatione sub oculos ponuntur: quoniam vero in graviori hujus mali gradu subjecta majores dolores, patiuntur insuper etiam in universo corporis complexu ægrotant, ita haud promiscue illa ad tormenta ducenda sunt, tanto minus, si aliae circumstantiæ, ratione individui & complicatorum morborum concurrant: non rarus sane in foro hic est casus, ubi ob crimina furti, robbariæ, homicidii, stupri violenti, &c. subjecta suspecta hoc malo infecta sunt, in quibus casibus secundum artis medicæ judicia integrum est, illa subjecta, ut ut jam aliquatenus valetudinaria sunt, primis tormentorum gradibus afficere & exquirere: Et quoniam in talibus ægris totum corpus infectum & morbosum est, ita tanto magis Medici cognitio necessaria existit, si in iisdem tortura admitti debet: minima enim circumstantia, totam variat quæstionem: quando etiam in majori gradu hujus Luis Febris lenta aut heætica concurrit, tunc eo minus in acerbiores torturæ gradus judicandum est, quoniam tantopere complicatus morbus tantas animi, motus humorum & affectarum partium alterationes haud tolerat, quales sub tortura constanter & inseparabiliter concurrere solent: Quando porro quædam subjecta Ulcera diuturna aut in pedibus, aut in brachiis habent, tunc iterum Medici judicium necessarium est, qui videlicet in causam illorum inquirere debet, an ob Hæmorrhagias suppressas, ob cacoçymiam &c. orta fuerint, in quali casu omnes morbi, subjecti, partis affectæ &c. qualitates & circumstantias inquirere, harumque statum cum tortura ejusque diversis gradibus conciliare debet: Ulcera enim in brachiis non tolerant forcipes neque funiculos, tanto minus majorem torturæ gradum; ni  
pedi-

*pedibus ocreas s. compedes applicare liceat: Ulcera peāum  
vicissim & compedes & extensionem corporis super scalam  
non admittunt, ni territionem verbalem & realem, nec non  
fidiculas adhibere circumstantiae concedant: conf. Zitt-  
mannus l.c. p. 354. cuius allegatum est: Wann Inquisite  
die berührten Löcher am Schenkel hätte, könnten durch Anles-  
ung der Beinschrauben solche zu langwierigen Schäden gedei-  
hen. Omnia Ulcera fortiora tormenta non tolerant, vid.  
Fidelis l.c. cap. 9. eximit itaque Guarzinus defens. 30. c. 16. &  
ex eodem Frölich l.c. n. 6. illos, die an den Armen lahm und  
tadelhaftig sind, welche die Franzosen, oder ein apostem ha-  
ben, sc. conf. Kressius in art. 59. qui etiam apostematum men-  
tionem facit. Si itaque in subjectis quibusdam, *ulcere ex-*  
*terno afflictis, vires mediocres adsunt, si ulcera non magna*  
*& cacoethes sunt, si non intricatus aliis morbosus affectus*  
*conjunctus est, si dolores nimii non urgent, si prava sym-*  
*promata, velut inflammationes, spasmi, pertinaces conge-*  
*stiones, tumores, febriles commotiones &c. desunt, tunc le-*  
*niorem torturæ gradum in congruo tamen loco suscipere li-*  
*cet: quo valet, quod artic. 59. C.C.C. von andern Schä-*  
*den des Leibes, dictitat: Seorsim quæstio movetur, an*  
*illis qui Fonticulos gestant, tortura applicari queat, vid.*  
Zacchias l.c. n. 13. Fidelis l.c. cap. 8. p. 242. pro hac quæ-  
stione decidenda, iterum Medici de subjectorum conditio-  
ne cognoscere debent, an videlicet sint valde valetudinarii,  
quoniam Fonticuli ad orduos & pertinaces morbos miti-  
gandos & curandos ut plurimum adhiberi solent: quam ob-  
rem homines fonticulo instructi, utpote valetudinarii agnoscendi sunt; in hoc statu qualitas adversæ valetudinis dijudicanda est: si itaque jam per notabile tempus sub fon-*

*funiculi gestatione & operatione subiectum mediocri & tolerabili statu, quoad sanitatem fruitur, tunc territio, nec non forcipum & chordarum applicatio in latere integro & a fonticulo libero locum invenit: habenda itaque erit ratio virium, subjecti & status valetudinarii: quando vero fonticulus recenter excitatus, affectus vero, cuius gratia ille in auxilium tractus fuit, adhuc arduus & sanguinosus est, tunc tortura cessat, quoniam presentem ægrotationem citius, certius & gravius exacerbat: denique etiam præcautio est adhibenda, quoad fonticulos fraudulenter excitatos & simulatos, qualem casum allegat Wildvogel in disp. de arbitr. judic. circa torturam c. 7. §. 6. p. 41. seq. in quo casu iterum Medicorum consilia conferenda, fonticuli vero consolandi & tortura post convenientem temporis terminum administranda est: conf. Zaccbias lib. 3. tit. 3. qv. 3. n. 4--7. ubi de simulatis ulceribus externis detegendis & dirigen- dis tractatur.*

### §. XIX.

Super sunt adhuc plures respectus & casus inquirendi, quare in ordine judicamus etiam quod homines tenerioris constitutionis corporis ad torturam subeundam habiles hanc sint: siquidem non modo illi quoad animum valde sensibles & quoad vires valde infirmi & debiles, sed & quoad corpus laxius, consistentes haud sunt, quorum juncturæ & articulationes admodum laxæ sunt, ut facile lædi & cum gravi damno distorqueri & luxari possint, quorum partes cutaneæ, tunicaceæ & carnosæ valde molles & flaccidæ existunt, in quibus naturale robur ita deficit, ut qualicunque læsione facile periculosa accidentia, præcipue putridæ corruptiones & affectarum partium mortificationes cum præsen-

taneo

eaneo vitæ periculo supervenire soleant, imo talia subiectæ  
 facile in pernicioſas convulſiones & liporhymias ominioſas  
 variaque alia repentina damna delabuntur, quibus propter-  
 ea neque territio, neque actualis tortura cum desiderato  
 ſuccesſu adhiberi potest; quam ob rem Brunnemann  
 in der Anleitung zum Inquis. Proceſſ cap. X. ſ. 6. p. 36. in-  
 quisiten die Schwach von Gliedern ſind allegat: quo etiam  
 pertinent illi infirmi, ſive naturaliter tales ſint, quos com-  
 mentatores in C. C. C. art. 59. & Doctores aliquo modo ad-  
 huc a valetudinariis diſtinguunt: ita Mantzius dicit: si re-  
 uſ ſit infirmus, vel valetudinarius tunc enim vel omnino non  
 torquendus, vel ita moderate, &c. Frölich afferit:  
 die andere Ursach die Blödigkeit und Schwachheit des Leibes:  
 Carprov. l. c. n. 46. virium defectum & corporis debilitatem  
 allegat; Clafenius afferit, in exegesi art. 59. & hoc extenditur  
 ad alios valetudinarios & infirmos: hanc imbecillitatem cor-  
 poris profert etiam Brunnemann Proceſſ. inquisit. cap. 8.  
 membr. 5. n. 27. & in muliere prægnante n. 29. in puerperis  
 n. 30. porro n. 31. judicat: & hæc cauſa habet locum in o-  
 mnibus qui debilitate, vel morbo chronicō laborant, ubi tortu-  
 ra, vel territio ſaltem periculosa eſſe poſſet, Farinac. qu. 41. n. 93.  
 Zieglerus in not. in Zacciam lib. 1. tit. 1. qu. 9. n. 25. commen-  
 tatur: oppido placet ſententia Franc. Casoni, qui in tr. de  
 tort. & indic. cap. X. n. 12. generaliter in materia tormentorum  
 ſtatuit, ſpectandam ſemper eſſe qualitatem personæ torquen-  
 dæ, cum multi propter corporis imbecillitatem perire queant,  
 in tormentis, etiamsi ad ſenectutem haud pervenerint, in qui-  
 bus præmatura talis tortura facile pernicioſam Recidivam  
 provocat. vid. Zaccb. l. c. n. 15. quo loco etiam illam imbe-  
 cillitatem intelligimus & conciliamus, cuius reminiſcitur

*Fidelis l.c. cap. 9. p. 245.* quæ aliquamdiu post superatos arduos morbos durat: *Matthæus de Crimin. l.c. n. 10.* ubi dicit: *virium vacivi facile tormentis succumbunt: & porro: qua ratione illud quoque recte doctoribus placuit, infirmos & valetudinarios non temere torquendos esse.* Quibus infirmis sufficiens mora temporis concedenda, donec necessarios ad sustinendam torturam vires acquisiverint: quoniam vero a natura debiles, firmiores vires haud recuperant, ob id hujus conditionis homines torturæ submitti haud possunt, ni ob aliqualem animi præsentiam in quodam subiecto territio verbalis locum inveniat: Homines qui *Tumores brachiorum & pedum chronicos gestant, neque forcipes, neque fidiculas, neque quassationes tolerant, unde certius in gravia damna conjiciuntur,* dum talibus tormentis *latitans* in hisce tumoribus materia repente & præjudiciose commovetur, ut periculosa corruptio acceleret & superveniat, conf. *Fidelis l.c. cap. 8. p. 243.* *Zacchias l.c. n. 13.* neque incongrue *Kressius in art. 59.* contusionum & læsionum non satis bene curatarum mentionem injicit, verwahlosste oder verderbte Schäden: illæ nunc suspectam complectuntur partium debilitatem & laxitatem, humorum vero stagnationem & stasin, unde facile periculosa corruptio oriri solet, tanto magis si ulla realis tortura in ejusmodi subiectis exercetur, sub qua ordinarie humores confuse commoventur & ad graviores & periculosiores stagnationes disponuntur: id quod *Fidelis testatur p. 243. cap. 8.* ubi *ecchymoseos* mentionem facit: *altera species læsionum, videlicet male curatarum, corruptis morbis adscribenda est, quæ pessimis consecutionibus obnoxia existit;* quare nec illa realem torturam concedit; quamvis in confusionibus (modo non sint capi-

*capitis, quæ plane respuunt torturam, nisi laesus exacte sanatus a pravis consecutionibus liberatus & integræ mentis sit)*  
*& laesionibus hisce, quarum modo mentionem occasione commentationis Kressii fecimus, verbalis territio concedi queat.* Præterea *Gibbosis*, præter verbalem territionem & forcipum applicationes nullus gravior tormenti gradus admittendus, quoniam ob *angorem animi*, ob *acerbitatem dolorum*, ob *impetuosam sanguinis commotionem*, ob *copiosam hujus affluxionem intra caput & pectus*, i-psis *repentina suffocatio* aliudve periculum imminet: idem sentiendum est, de illis, quibus antehac *costæ diffracta*, nec regulariter *consolidata* est, quibus *sternum intra pectus* vel ex *vitio conformatio-nis*, vel ex *perpessa violentia* depresso est: neque illi homines, qui periculosa *procidentia ani*, aut *uteri prolapsione* labo-rant, facile torturæ submitti possunt, quorum subjectorum morbosam constitutionem *Medici circumspecte* dijudicare debent: si itaque talia subiecta simul fuerint *plethora*, *Hæmorrhoidum* & *Mensium* vitiis obnoxia, variis & suspectis *congestionibus* in hæc loca submissa, tunc magnus *angor animi*, gravisque *dolor* facile *periculosas* tales commotiones & impulsus sanguinis excitare potest, id quod sub *graviori tortura* facile etiam accidere potest: unde in genere in talibus personis *mitior gradus adhiberi* potest, ne in locis *uterinis* & *hæmorrhoidalibus* repentina *inflammatio*, *gangræna* & *sphacelus* provocetur, quibuscum alii periculosi & *vitæ extreme* præjudiciosi affectus concurrere solent.

## §. XX.

Quando porro in aliquo subiecto *nullæ prægnantes causæ* adsumt, quæ torturam ullo modo declinare possent,

interim in quodam individuo *aliqualis imbecillitas ventriculi* & ob hanc *concoctionis difficultas* & tarditas adest, tunc *communis illa cautela observanda est*, quam *Criminalistæ* proferunt, ne *mox post pastum ejusmodi homines torqueantur*, quam ob rem *sex aut octo horis* (in qua tamen circumstantia iterum *medicorum consilia colligi debent vid. Zaccb l.c. n. 16--18.*) *post cibi assumptionem tortura admitti debet*, ne *sub tortura oriuntur graves capitales dolores, cardialgicæ - lipothymicæ, vomitus, aut anxii conatus vomibundi, inflatio ventriculi, colica tormenta, flatulentæ suspectæ, oppressiones pectoris, palpitationes cordis, vertiginosæ perturbationes &c.* qualia pathemata cum *ventriculi debilitate* frequentius conjuncta sunt, & præcipue per eximias afflictiones animi & graves *dolores corporis incitari & exacerbari* solent; id quod tanto *citius, certius & gravius a tortura expectari* potest, unde *scopus* hujus quæstionis *expirat, & prædicti subjecti malum corporis exasperatur: quo loco & in quo casu vero Medicus congruo remedio, ventriculum roborante, succurrere potest, ne prædictis horis suscepta tortura talia morbosæ pathemata & graviora sanitatis offendicula provocet: id quod tanto magis observandum est in hominibus, qui non modo ad vomendum faciles sunt, sed & in vomitu facile excedunt;* quibus tali neglectu ansa haud præbenda, ut prava talia consectaria orientur. *conf. de hac circumstantia, quibus videlicet horis tortura suscipienda Carprov. qv. 124. n. 5. seqv. Wildvogel de arbitr. jud. quæst. cap. 4. §. 2. p. 32. 33. Beyeri delin. jur Crimin. in art. 59. n. V. p. 113.* qui a medicis bene edoctus haec verba profert: *quod si corpus, cibis repletum, tam variis modis expandatur atque agitetur, symptomata gravissima sequuntur.*

quuntur & mortis periculum sœpissime imminet. Löwius in theatr. med. jurid. cap. 17. n. 11. p. 789. Dantur interim etiam homines, qui haud diu jejenum ventriculum perferre possunt. vid. Zæcb. l. 6. tit. 2. qv. 4. n. 18. & qv. 6. n. 5. ni facile similes ferme morbosas afflictiones experiantur; quos ante torturam non nimio cibo onerare expedit: sufficit iisdem juscum modica quantitate concedere, leviter aromatisatum, haud tamen multum vinosum, ne caput turbet, neve sanguinem valde commoveat, neve sub tali animi & corporis afflictione temulentum, ebrium rationis statum causetur: quoniam vinum in casibus, ubi aliæ causæ valde commoventes & sanguinem exagitantes concurrunt, in minori quantitate citius inebriantem, imo contrariam virtutem exserit: bucellam tamen pani in vinum intineti concedit Zæchias l. c. qv. 6. n. 5. nunquam tamen præstat pleno & oppleto ventre torturam subire: quoniam gravissimæ animi & corporis commotiones, eximii angores, clamores, suspiria, pectoris præcipue & hypochondriorum commotiones periculofas harum regionum oppressiones, angustationes, diaphragmatis ominofas compressiones, suffocativas comminationes &c. causantur, conf. Fort. Fidelis Lib. 2. Sect. 3. c. 3. p. 232. Zæchias l. c. n. 16. seq. Quicunque rei multas Vigilias egerunt, sive ob metum sive angorem, sive aliam quamlibet causam, illi reali torturæ submitti haud debent, quoniam vigiliæ valde enervant; hinc teste Farinacio lib. 1. tit. 5. qv. 38. n. 79. seq. in Italia Vigiliae tormenti instar adhibentur. conf. Zæchias lib. 6. tit. 2. qv. 5. ubi de tormento Vigiliæ agitur, Franckenau Satyra Medic. XVIII. f. 29. Camerar. Syllog. memorab. Cent. 2. part. 79. 80. Rolfinck. Med. Conf. Lib. 8. conf. 3. p. 68. A. E. L. An. 1714. M.

*Novembr. p. 424.* ob id a vigiliis enervati homines tam diu  
 torqueri non possunt, donec necessario somno, aliisque  
 congruis adminiculis vires sufficientes nacti sunt. *Loci* et-  
 iam habenda est ratio, nam quando reus in carceribus val-  
 de frigidis aliquandiu detentus, insuperque multum fri-  
 gus passus fuit, tunc juxta *Dambouderum Prax. Crim. cap.*  
 37. n. 18. *frigus tormentorum generibus adscribitur*, siquidem  
 per rationes *physico-medicas* frigus comparete magnum &  
 sensibile, sanitati multis modis infensum est, quam ob rem  
 multo frigore alteratus homo reale tormentum sustinere  
 non potest, nisi antea subjectum necessario & sufficienti ca-  
 lone alioque convenienti adminiculo roboratum fuerit: ne-  
 que pariter homines, quibus humores spissi & in obstruc-  
 tiones valde proni sunt, qui multum de melancholico tempe-  
 ramento participant, *spissa, crassa & cruda Diæta*, paucò  
 vero potu utuntur, in loco valde frigido & sub intensiori  
 gelido frigore torquendi sunt, alias præsentibus spissis ta-  
 libus humoribus, quando ob denudatum corpus superfici-  
 es arctius constringitur, ob torturæ cruciatus & dolores  
 magnæ proinde angustiæ, multa suspiria, operosior re-  
 spiratio & fortior sanguinis impulsio occurunt, facile tunc  
 in capite, pectore & abdomen repentinæ periculose, imo le-  
 thales sanguinis stases & extravasationes contingere pos-  
 sunt, quas sicut providus Medicus sub prædictis circumstan-  
 tiis certius metuere debet, ita ratio eam habenda est *Lo-*  
*ci & conjuncti frigoris*; id quod tanto magis observandum  
 est, in personis, quæ brevi ante ex arduo quodam con-  
 valuere morbo, ubi tam qualificata refrigeratio facile pe-  
 riculosam *morbosam* palindromen & Recidivam causari  
 potest, quam itaque æquus judex suo arbitrio vitare debet:  
vid.

vid. Wildvogel l. c. cap. 4. §. 5. n. 31. Et quæ cautela quoad magnum frigus observandum est, illa etiam quoad intensiorem æstum, undecunque accesserit, observari debet, ne, quia ipsa tortura vehementes sanguinis motus causatur, inde pro diversitate subjectorum, quam *Medici* indagare & dijudicare debent, gravissima interdum & repentina vitæ *damna* provocentur.

## §. XXI.

Seorsim vero adhuc *Mulierum* reminiscimur, quæ in statu veræ *Graviditatis*, *Puerperii* & *Lactationis* aliquam immunitatem etiam a *tortura* juxta communem *Criminalistarum* sententiam possident: quod *Prægnantes* attinet, tunc illæ ob *territionem* & *actualem* torturam facile *abortum* patiuntur, indeque *propriæ* sanitatis periculum patiuntur: neque in hoc passu quasdam fæminas aut *animi* aut *corporis* *firmitas* præservat, quia *offensio tormenti* illam superat: siquidem recte Farinac. qv. 41. n. 84. Carpov. qv. 118. n. 62. Zanger l. c. n. 41. Frölich. l. c. n. 7. p. 202. Brunnemann. Anmerk. über die Anleit. zum Inquisitions-Proceß n. 11. p. 325. Mantzius in art. 59. Blumblacher l. c. n. 16. p. 131. judicant, quod ne quidem *terreri* *gravidæ* queant: neque hic *discretio* attendenda est, an *gravida* *partui* *vicina*, an minus sit. conf. Carpov. l. c. qv. 118. n. 51-56. Tabor l. c. §. 30. Brunnemann. Proceß. inquis. cap. 8. membr. 5. n. 29. Anleitung zum Inquis. Proceß cap. X. §. 6. Anmerkung. hierüber n. 2. p. 352. Ludovici Peinl. Proceß c. 9. §. 47. Blumblacher l. c. n. 15. p. 130. & multi alii: diximus vero quod vera esse debeat *Graviditas*, de qua juxta Farinacium Lib. I. tit. 5. qv. 41. n. 85. Carpov. l. c. n. 63. Frölich. l. c. n. 7. p. 203. Brunnem. Proceß. Inquis. l. c. n.

29. Blumblacher l.c.n. 16. p. 131. (cujus verba peculiarem annotationem merentur: In solchem Fall ist nicht gleich einer Weibs-Person, die sich für schwanger angiebt, zu glauben, sondern wann ein Richter zweifelt, soll er Hebammen und geschwörne Medicos zu rath ziehen, und nach deren Meinung verfahren. Wann nun die Hebammen oder Medici ein irrges judicium geben, und die Weibs-Person, welche schwanger, für nicht schwanger angeben, und erkennen thäten, und der Richter eine solche Weibs-Person darauf torquiren liesse, welche darüber eine Miß-Geburt brächte, quod etiam de abortu valet, so wäre der Richter dessentwegen nicht gehalten.) *Medici & obstetrices cognoscere debent, ne simulatio & fraus committatur: et si torturæ annunciatio aut administratio in gravida quadam nullum abortum provocaverit, tamen totum actum generationis graviter turbat & offendit, ipsam gravidam aut acerbioribus, aut novis periculis, graviditatem comitantibus, symptomatibus subjicit, ad eximiam sanitatis destructionem, fætum mortuum, monstrosum & partum difficillimum disponit, imo efficit, ut in futurum circa partus processum aut matri aut fætui lethalia pathemata superveniant: e Medicis conf. Zaccchias l.c.n. 18. Fidelis cap. 4. Löw. n. 12. p. 790.* Si vero mulier quædam aut *mola*, aut *tympanitide*, aut *empnevmatosi* sive *uteri flatulentia*, aut *ascite* &c. laboraverint, qui affectus aliquando *Graviditatem* mentionantur, tunc iisdem, utpote *valetudinariis* & intricato morboſo statu afflictis, tortura *haud facile* admitti debet, sed potius prædictæ cautelæ advertendæ & conciliandæ sunt. *Puerperæ* juxta *Hippocratem* utpote *graviter vulneratæ*, proinde valde *infirma* & in aliquali *vita periculo* constitutæ mini-

minime *optum torturæ* præbent subiectum: & quamvis iisdem *quadraginta* dies concedantur , quibus post partum torqueri haud debent, *securum* tamen *haud* indiscriminatim est circumacto hoc tempore confestim *graviora tormenta* admittere : quo tempore *haud sufficienter* promiscue uteri *consolidatio* & *obfirmatio* peracta est, (præc. in fæminis, in quibus *arduae*, *confusæ* & *intricatae* circumstantiæ sub *Graviditate*, sub Partu & post hunc occurserunt,) unde ob terrorem, metum, angoremque animi (siquidem alias *animi pathemata* puerperis, aut *recentier* talibus, aut jam aliquandiu *partu* liberatis infensissima esse solent) nec non ob vehementes *corporis cruciatus* & concurrentem impetuosam ac perturbatam *sanguinis commotionem*, facile in *uterinis* locis periculosæ *stagnationes*, *stases*, *inflammationes*, *spasmi vasorum sanguiferorum* novæ *dilacerationes*, *haemorrhagiae* prodigæ aliaque *ominosa* & interdum *lethalia* pathemata oriri possunt; & licet quoad *externum conspectum* quædam mulieres satis *robusta* videntur, tamen ne *Medicus* quidem ex *vero* & *certo* decernere potest, an intra prædictum terminum temporis *uterus ita reparatus* sit, quo *realem* quandam, etiamsi *lenior* fuerit, torturam tolerare queat: hinc in re *dubia*, aut ubi certius pejora *consectaria* metuenda sunt, *mitior* probatur sententia & terminus ille *ampliarur*; squidem id ipsum eo magis *necessarium* erit, si forte puerperæ fuerint *primiparæ*, aut si valde *difficili* partu laboraverint, si *copiosi* aut *plane nulli* & *insufficietes* lochiales fluxus contigerint, aut si *aliæ* intervenient circumstantiæ *morbosæ*, ob quam *non ita cito* fæminæ *vires recuperare* possunt: si etiam ratio habetur

noti infantis, ne ob torturam matri adhibitam ejus necessarium alimentum aut corrumperatur, aut minuatur, tunc eo magis diuturnior mora concedenda est: ex singulis vero in compendio prolatis, circumstantiis inclarescit, quomodo in talibus casibus & causis Medicorum judicia conquirenda & observanda sint; siquidem in ejusmodi casibus judicis arbitrium non satisfacit, siquidem neque Zangeri concessio 40 dierum, neque Lynckeri in annotat. ad Struv. tit. de quæst. ampliatio sex septimanarum singulis casibus & circumstantiis respondent: unde neque Galenus Comm. 6. aph. 36. audiendus, qui adserit, quod partus per 40 dies verissime terminari queat: si enim partus aceratum tormentum & aliqua ratione morbosa affectio, imo diuturnis ægritudinibus quodammodo annumerandus est, juxta Fidelem c. 4. p. 234. 235. ita illius circumstantias Medicus dijudicare debet, an torturæ sustinendæ puerperæ quadrant? conf. Zaccias l. c. n. 20. Quoad Lactantes fæminas facilius decernere licet, quæ, utpote nude lactantes consideratae, leniorem & paulo graviorem torturæ gradum subire possint; nam si respectus infantis habetur, facile pro eodem lactando aut alia nutrix, aut aliud nutrimentum sine damno substitui potest, siquidem creberrimæ honestæ substitutiones tales occurrunt, quare recte Blumblacher loc. cit. n. 17. p. 131. judicat: Es ist auch eine Weibes-Persohn, die ein saugendes Kind an der Brust hat, nicht zu torquiren. NB. wann man anders für das Kind keine andere Säugamme haben kan: So aber eine andere Säugamme zu haben, und die Mutter schon außer der Zeit oder Kindbetten, und schon die 40. Tage überschritten, also dann mit der Tortur gegen ihr verfahren werden. quod

quod ipsas lactantes attinet , tunc quidem affectus animi , dolores corporis , & motus sanguinis , qui sub tortura contingunt , lac in crasi alterare & depravare , ejusdem ultiorem separationem turbare , minuere & sufflaminare , in mammis etiam stagnationes causari queunt , singulis tamen hisce offenditionibus ita obviam ire licet , ut inde neque infanti , neque lactanti certum & eximum sanitatis & vitae damnum emergat : siquidem alteratum tale lac infanti haud præbere expedit : si itaque aliquo modo lactantibus Judices indulgere volunt , tunc acerbiorum torturæ gradum videlicet membrorum extensionem non admittant , lenior vero sententia magis in favorem infantis decernitur ; quodsi vero lactationem in muliere comitentur morboſa pathemata , velut magna debilitas & virium prostratio , suspecta contabescientia , graves congestiones intra caput & pectus , tunc eadem , ut valetudinaria consideranda & tractanda erit : quoad hanc quæſtionem : an Lactantes torqueri queant ? vid. inter JCtos Carprov. qv. 118. n. 61. Tabor. l.c. ſ. 30. Wildvogel disp. cit. cap. 7. ſ. 5. p. 40. 41. Brunnem. Proceſſ. inquis. l.c. n. 31. e Medicis conf. Zaccbias l.c. n. 21. Fort. Fidelis l.c. cap. 5. p. 235. & Lömius l.c. n. 14. qui ultimus , ut in plurimis , ita in hac circumſtantia Zaccbiæ verba , non nominato authore , usurpavit & tranſtulit : de reliquo ex obſervatione Medica ſignificandum eſt , quod ob graviores dolores corporis & afflictiones mentis in fæminis animo & corpore ſenſibilioribus & tenerioribus lactis ſecretio & provenitus utique intercipi queat : an vero in arduis caſibus properea prævaleat favor infantis , qui tamē ab alia fæmina , aut ut dictum fuit , alio ſuppletorio alimento enutriri & educari potest , JCtis decidendum relinquitur .

## §. XXII.

Denique annotamus, quomodo aliquando *Medici* requirantur, quo *Torturæ præsentes* sint, ut *consilio & auxilio* suo, si quid *adversi reo sub tormentis* accidat, *præsto* esse queant: ast merito in ejusmodi *dubio casu*, ubi de subiecti *vita* ambigitur, an non facile eidem ex tortura *periculum* imminentem queat, *securior* modus felicitur & tortura *differtur*, siquidem alias *inutilis* illa declaratur, quando medicus *deficientem reum iterum reficere*, aut quasi *reviviscere* debet: & licet quædam subiecta *sub tortura ipsa* non *eminenter deficiant*, tamen *post illam periculosiora pathemata supervenire & insultare possunt*: haud quidem *Medici* suis animadversionibus & admonitionibus desunt, quin *signa præcipue sub tormentis deficientium subiectorum* indicent & describant, vid. *Fort. Fidelis Lib. 2. Sect. 3. cap. 5. p. 236. Zaccbias Lib. 6. tit. 2. qv. 6.* ast quid juvat hæc nosse, & *finem torturæ* non obtinere, quin potius reum in *gravius vitæ & sanitatis damnum* præcipitare, quod tamen sollicito studio evitandum est, ne tortura *pænæ vim* teneat: exceptio illa, quasi reus sine *pravo successu forte* torturam perferre queat, quem antea *metus affectu* judex expectaverat, *nullius singularis valoris* est, quoniam hanc torturam *periculosa sanitatis offendicula consequi* possunt, aut tortus facile confessionem suam *reclamare & negare* potest, quasi sub *angustia, mentis imbecillitate & corporis infirmitate* factæ confessionis conscius *haud sit*: sub quo statu iterum *eximia mutatio* processum inquisitionalem afficit: quid juvat si *Medicus torturæ præsens* est, quando *Epilepticus* torqueatur? quando Medicus indicare potest, quod *sub tormentis motus convulsivi ingruant!* quid juvat *Medici præsentia*

tia si vehementior inde paroxysmus convulsus excitatur ?  
 quid juvat si reo a vinculis & tormentis confestim liberato  
 medicamina & auxilia offeruntur , quæ in tali affectu , per  
 torturam provocato , exiguum habebunt virtutem : quid  
 judici & justitiae inde emolumenti accedit ! unde quidem  
 hæc consilia pragmatica , sed haud practica & fructuosa sunt :  
 ob id talia rectius consilia subministranda veniunt , quæ in  
 foro civili & medico realia & applicabilia existunt : idem cer-  
 te sentiendum est , de plurimis illis speculationibus & inven-  
 tis , quibus torturæ subiecta ita præservari debent ; ne vel  
 sub tortura morbosos suos insultus experiantur , neve post  
 illam , periclitationem quoad sanitatem sentiant ; quoad u-  
 trumque desiderium ars medica satisfacere haud potest ; nam  
 effectum præservare & tollere velle & debere , causam ta-  
 men ad provocandum illum effectum admodum idoneam  
 non intercipere , sed libere committere & admittere velle &  
 deinde sensibili tortura offendere & exacerbare , incongruus  
 ausus est : quare in hoc etiam refugio judices nullam opem  
 inveniunt ; Neque porro mox magicæ arti tribuendum est ,  
 si sub tormentis subiecta quædam velut obdormiscunt & post  
 illa , aut relaxatis illis iterum ad se revertuntur ; Sene tor-  
 mentorum cruciatus magnam vim habent , ad profunda &  
 eximia animi deliquia excitanda , quæ tunc remittunt , quan-  
 do tormenta solvuntur ; quare ejusmodi syncoptici affectus ,  
 non cum machinamento Satanicō promiscue confundi de-  
 bent : quemadmodum alias sensibiles personæ ob minorem ,  
 tanto magis vero majorem , dolorem , in ejusmodi impoten-  
 tiā rationis & deliquium incident : fallax itaque , si non  
 plane falsum & hoc est indicium indiscretim accusandi &  
 agno-


agnoscendi pactum cum *Diabolo*, aut *magicum artificium*:  
 An remedia *narcotica* præservent, ne dolores tormentorum  
 nimium afficiant, quæstio *medica* institui potest: nos  
 negativam sententiam tuemur, quia hæc remedia *obnubilant*  
*rationem & sensus*, & id quidem eo acerbius & *periculosius*, quando jam ob aliam causam velut ob torturam  
 animus valde *turbatus & afflitus* est; inde evenit, ut aut *deliria*, aut *sopores* corripiant, unde rei plane inhabiles rediuntur ad *quæstiones* percipiendas & congrua *responsione*  
 aut desiderata *confessione* resolvendas: quid quod sub tali  
*turbulento statu vitæ & sanitati* facile præjudicioræ *offensiones* accidere possunt, si quidem sub tortura contingentes  
*offensiones & lesiones corporis*, *perturbationes* liberi &  
 temperati motus humorum, *solidarum partium* vero mul-  
 tiplices alterationes, *narcoticorum* remediorum usum haud  
 perferunt, quoniam hæc singulas hasce alterationes *cau-*  
*sari & aliunde provocatas exacerbare* possunt: neque por-  
 ro illa commemoratio de *pulvere ad sustinendos torturæ*  
*cruciatus & supprimendam confessionem dato*, quæ in *Aet.*  
*Nat. Curios. dec. 2. an. 8. obs. 88.* occurrit, præter nudam  
 scientiam aut cognitionem facti, ullam, ad hoc thema quad-  
 rantem, utilitatem confert: anneximus aliam Historiam in *A.N.C. Dec. 3. an. 7. & 8. obs. 23. de Pulvere dato ad extorquendam incendiarii confessionem*, de cuius veritate vero  
 adhuc dubitamus: historia sequens est: *Hæc apprime*  
*quadrabit ad Clarissimi Domini Doctoris Samuelis Ledelii*  
*observ. 88. in Decad. 2. an. 8.* ubi vero ille de contrario ef-  
 fectu agit: *hanc b. defunctus Parens meus, quondam ex*  
*ore Pharmacopæiæ Studioſi* ( NB. qui aliquando mirifice

glo-

gloriantur & mentiuntur) qui tum temporis Rendsburgi  
in Holsatia servierat & Pharmacum præparaverat, nota-  
vit, quæ ita se habet: An. MDCXII. mutilus quidam  
mendicus simul incendiarius & homicida, Sägebergæ tor-  
turæ subjiciebatur: Hic cum nullo modo ad confessionem  
cogi posset, adfuit Consul Rendesbergensis, nomine von  
Arffen, jussit, ut prius torquendo omnes capilli abrade-  
rentur, postmodum tergotenus, maleficum aggressus est,  
ne faciem Consulis videre posset, jussit ut in continentí se-  
quenti sequentem potiunculam hauriret, quæ constabat ex  
Masticis, Myrrhæ, aloes hepaticæ & viridis æris anati-  
cis partibus, cum aceto vini mixtis: Qua epota Carnifichi  
mandabat, ut torturæ subderet hominem, quo facto incen-  
diarius & homicida hic evomere omnia satagebat; ab eje-  
cta autem materia exsurgebat Spiritus familiaris (levida  
narratio! forte hic incendiarius, de artocreate Fausti,  
quod spiritu familiari expletum dicitur, quicquam co-  
medit; unde seminium aut particulam illius devoravit,  
vel femur aut suram illius deglutivit, ut totus inde talis  
spiritus, fungi instar, regeneratus fuerit) si non malignus,  
forma militis, caligis cœruleis indutus (reliqua vestimen-  
ta non nominantur, neque an pileatus, an galeatus, an  
ocreatus, an calceatus, an armatus, an inermis) qui se  
Christianum Fridericum (malo omne) appellabat, quem  
latro adhuc subiectus, ita alloquebatur: quo tendis Chri-  
stiane? itane mibi quondam promisisti; cui Christianus  
hic, minime Christianus: Cogor ut te derelinquam & disce-  
dam: hoc dicto disparuit phantasma. Coronidis loco ad-  
dimus, quod, sicut Medicus rei, sub tortura deficien-

tis, curam habere debet, secundum ante notata, ita Medicorum relationi etiam statur an tortus obierit ab immoderatam torturam, nec ne: conf. Farinac. prax. crimin. qv. 37. n. 141. Löwe l. c. c. 17. n. 2. quamvis vero tales causas rarissime occurrant, tamen si evenerint, instruunt, quid agere conveniat, insuperque docent, quomodo in Torturæ Processu in multis occasionibus & casibus Medici judicium & consilium admodum necessarium sit: Et hæc sunt quæ præsenti dissertatione de Torturæ Subjectis explicare voluimus. D E O benignissimo humillimas agimus gratias, quod huic labori perficiendo vires necessarias largiri voluerit, cui etiam reliquas nostras actiones consecramus, quo exoptatus semper cum üsdem impetretur.

F I N I S.





B

4 P









1.20





